



宋朝大詔令集卷第三十六

皇女一

封拜一

皇妹封燕國長公主制

建隆元年八月初適奉  
福德再降高懷德

王者敦睦九族協和萬邦厚人倫於國風考歸妹於易象皇妹柔嘉  
居質婉嫕有儀動遵圖史之規步中珩璜之節六珈備物百兩有期  
爰稽媯汭之封用錫魯元之號啟疆析木叶詠穠華勉膺湯邑之封  
無忘公言之訓可封燕國長公主

皇長女封昭慶公主制

開寶三年  
六月甲戌

帝女下嫁公侯主之易著歸妹之文書有降嬪之義皇長女柔閑成  
性肅雍著美奉圖史之明訓茂桃李之穠華爰及有行式敷寵命纂  
王姬之館欲允叶於舊章啟沁園之封宜先崇於懿號可封昭慶公

主仍令有司擇日備禮冊命

皇女三公主進封國公主制太平興國元年十月

周稱下嫁聿著召南之詩漢重疏封大啓平陽之邑皇長女等咸資  
令淑特稟賢明襲蘭芷以騰芳奉蘋蘩而中節珩璜播美既有耀於  
公宮脂澤推恩宜並升於藩國皇長女昭慶公主進封鄭國公主皇  
第二女延慶公主進封許國公主皇第三女永慶公主進封虢國公  
主

鄭國公主進封秦國公主制淳化元年

門下書稱釐降詩美穠華爰思濟哲之朝已重肅雍之德或封之善  
地式彰帝子之尊或賜以嘉名是表玉姬之貴存乎申令非謂私恩  
皇長女鄭國公主婉婉天資才明夙賦閨門雍睦動導圖史之言車  
服有庸早荷絲綸之寵加以珮環中節蘭蕙揚芳斯為戚里之祥光

我公宮之訓令者改元伊始覃慶惟新別疏錫壤之封用示展親之  
意於戲名崇大國秩視真王錦繡在前忽忘組紉之制珠璣為飾益  
思焜耀之容若然則湯沐開封自稱粉田之賜簫韶合奏永宜金埒  
之家保此殊榮彌高懿範可

許國公主進封晉國公主制淳化元年

門下朕協和萬邦敦叙九族犬牙麟趾內崇磐石之宗魯館秦樓外  
盛沁園之制今屬元正改號慶澤周流宜增湯沐之封特降絲綸之  
寵爰詢吉日宣示明庭皇第二女許國公主稟訓公宮增華帝室賢  
明婉淑允謂於天資和順柔嘉皆符於女則心游圖史出言而動有  
箴規譽洽閨門舉步而不踰珩璜而自光膺竹冊榮賜粉田嬪儀焜  
耀於侯家懿範昭彰於戚里嘉爾肅雍之德鍾予慈愛之心是命別  
啟真封仍疏大國車服表玉姬之貴簡編垂女史之褒爾其克念組

紉無忘榛栗明珠翠羽或具奢侈之容銀勝瑤臺長保崇高之福佩服休命永渙皇宗可

號國公主封齊國公主制淳化元年

門下法天改號彤庭列受冊之儀應麻紀元率土被如春之澤品物既同於美利展親諒叶於至公爰推鳳綉之恩華更顯翟車之貴盛皇第三女號國公主玉田植秀銀榜聯輝芬芳豈讓於椒蘭婉淑自光於圖史言容有則非由姆訓之功禮法無違蓋稟天資之性而自魯郊築館沁水疏封克彰柔順之資尤著肅雍之美徽猷允塞懿範日新是宜肯以寵章峻茲大國脂澤別開於善地珩璜愈煥於令儀爾其恭乃六姻懋于四德庶叶宜家之詠以光內則之風勿忘規箴永荷休祉可特進封齊國公主

皇第四女蔡國公主進封魏國公主制淳化元年

門下口口朝元四海洽會同之化彤庭列仗百寮陳蹈舞之容口口陽春覃茲大慶况在睦親之道難稽懋賞之文宜錫命於絲綸用增榮於里第皇第四女蔡國公主天姿婉淑日茂穠華載符克女之祥克叶周姬之德珮環有節清風早肅於公宮蘭茝騰芳令範允符於內則自膺釐降益顯宜家紀年方改於嘉名大國別封於懿號斯為異渥用渙徽章當更茂於肅雍庶永光於圖史佩服丕訓欽之誠之可

皇第七妹陳國長公主封吳國長公主號報慈正覺大師制

大中祥符二年八月癸卯

惇族之仁御邦之本洪惟列聖誕啟昌源當錫美之垂祥有肅雍之成德被服公宮之訓便蕃封邑之榮緬慕真宗克隆道味協茲雅志申以徽章皇第七妹陳國長公主爰自先朝特鍾慈愛出於至性不茹

董辛資夙習以非常悟清幾而迥異專師冲寂深厭紛華尤軫聖考之懷俾服空王之教朕頃侍左右嘗聆誨言早以仲妹之賢已達竺乾之旨棲心有素從欲靡違懿茲同氣之親能繼出塵之跡睿訓斯在欽念惟寅屢稽釐降之文備形惇諭之意而潔齋無改至願彌聖期以脩練之勤上報劬勞之德矧先志之允屬且素範之不渝良難重違徒積多尚是用擇徽名於梵苑疏茂渥於脂田國邑進封禪林錫號併伸寵數式示褒揚可進封吳國長公主號報慈正覺大師賜紫法名清裕仍令所司擇日備冊命

福國長公主進封鄧國長公主 仁宗即位

門下重熙之運允洽於亨期敦叙之風式崇乎至教口口眇質仰奉詒謀方纂紹於慶基用均覃於茂渥眷無口口外館迺克族之近親式需寵靈誕敷明制福國長公主蘭儀婉穆蕙問懿芳自毓粹於乾霄

聿騰英於邦媛公宮稟敬率循圖史之規咸苑降嬪克茂肅雍之德藹然壺範式是天姻屬當踐祚之初爰舉序親之典惟粉田之增賦擇大國以疏封錫以芝函渙于王綍遣示褒崇之禮聿加尊顯之稱於戲廣愛之仁用昭於前訓既優之澤載厚於本宗欽此徽章外揚懿淑可特進封鄧國大長公主

建國長公主進封中國大長公主 仁宗

即位

門下國家三葉重熙萬邦承式猥惟眇質獲嗣丕基且念夙侍先朝恭聞聖訓惟孝恭可以奉祖考惟恩禮可以睦宗親佩服于茲造次不忘屬惟新於景命宜特舉於徽章建國長公主報慈正覺大師賜紫清裕寶婺分輝絳河稟慶肅雍表於賢德柔婉彰於令儀鑒圖史之言克成懿範習紵紼之藝載茂芳猷而又靡尚世紛深探直諦辭

疏榮於外館願棲志於空門光景屢遷薰修益至方均油霈式示褒揚發芝檢於中宸賦粉田於大國仍遵彝制茂建崇名冀體至懷荷此成命可特封中國大長公主依前報慈正覺大師

鄂國長公主進封冀國公主制

仁宗即位

門下王者敦自近之教式于萬邦宣廣愛之風親于九族粵以涼德昭茲慶圖服寶訓之惟明湛至和而無外乃眷宗屬首章茂恩率循典章誕告徽命鄂國長公主漢闡挺秀軒曜分筆中禮法於天渚盛言容於閭範文祖啟運口事親之孝恭先聖御期應歸妹之元吉湯沐開賦珎璜展儀善循四戒之文用集六姻之慶永言嗣麻實荷重口協于剛近之辰需此褒嘉之數進美名於尊顯易大國以建封於戲儀服之榮蓋侔於藩戚肅雍之道可厚於人倫無忘令猷式保隆懿可特進封冀國大長公主

封福康公主制

寶元二年九月己亥

朕蒙天之祐纂皇之圖多慶發於邦家燕謀及於孫子爰頒徽冊以告治廷皇長女挺邦媛之英鍾皇室之慶蚤知柔順之節能遠驕華之風教乎公宮將習組紉之事主之同姓未疏湯沐之田宜錫美名且旌賢度於戲王姬有等本著名南之詩皇女皆封蓋用漢家之制往祇寵命自憲箴言可封福康公主

封崇慶公主制同上

朕紹休聖圖尊履帝極寶承積累之緒以享衆多之祥載揆嘉辰誕敷休命皇次女秉柔婉之慶賦穠華之容雖粵在於妙年已蚤成於淑範宜疏湯沐之奉庸副車服之華庶厚人倫匪專私愛於戲考西京之故事皆主於上公援唐室之近儀更賜之美號茲為殊渥以懋芳規可封崇慶公主

皇第三女封安壽公主制 慶曆二年五月癸卯

朕膺淳耀之烈承燕翼之休惟懿主之挺生實皇支之多裕載消吉旦孚告大廷皇第三女毓粹仙宗儲輝寶娶方居妙歲以就令猷宜疏湯邑之恩以茂公宮之德於戲儀服之盛遠慕漢章稱號之嘉近講唐制茲為光寵永懷福釐可封安壽公主仍令所司擇日備禮冊命

皇第四女封寶和公主制 慶曆三年八月乙未

朕履皇極之尊經人道之大慶流天緒式見本枝之蕃禮主國公用昭車服之等匪揚替命昌穆化風皇第四女懿質自持芳儀日至雖越在於妙歲已積流於惠聲寶娶占祥既協天孫之象沁園疏寵未開帝女之封宜擇美名誕盼顯冊於戲事當師古蓋通酌於前規教務因親匪專留於私愛往綏柔度永格多休可封寶和公主仍令所

司擇日備禮冊命

皇第八女保慈崇祐大師幼悟封鄧國公主仍舊師號制 慶

五年四月辛卯

朕執契當天膺圖纂極荷高穹之孚佑席厚德之流光蕃衍開祥早洽公宮之慶柔明就德宜疏封國之榮皇第八女保慈崇祐大師幼悟懿度夙成童心早斷彼月斯主上分寶娶之輝與佛有緣遂嚮金仙之教超然覺路攝以戒珠車服之華雖不施於魯邑空色之盛願無累於竺園宜考舊章用加美稱於戲度門示法本由清淨之源人道因親必屬孝慈之性按圖善壤比秩諸王服是寵靈副予仁愛可特封鄧國公主仍舊保慈崇祐大師及令所司擇日備禮冊命

鄧國公主進封齊國長公主制 慶曆五年四月己酉

朕膺天地之休席祖宗之慶眷惟愛主實振柔儀既啟秩於公宮宜

增封於大國庶崇命數庸合典章皇第八女保慈崇祐大師鄧國公主器質清夷資懷敏慧當妙齡之資始固姆訓之未參亟劭清規願遊覺路綺紈無以被其體珠玉無以怡其顏而生自宮闈慶聯廟社宜解竺園之號益疏東海之疆以正邦儀以隆人道於戲惟至親之性有深愛之懷服是休嘉副吾保養可進封齊國長公主仍令所司擇日備禮冊命

皇長女福康公主進封究國公主制

嘉祐二年六月丙寅

門下天道之美濟下而光明王化之行繇中而洽被唐堯有釐降之典召南載肅雍之詩範俗崇風於是乎在國家慶靈憑厚德教深長迪厥真源育茲懿主儀我皇室繫于舅門待年及於有行消日伸其誕告皇長女福康公主閑和居德秀映棲神聰悟之姿匪繇於外獎徽柔之性乃蹈於自然朕懷先后之慈篤外家之愛將敦美化是選

密親教著沁園尊人倫之婦順恩加渭水廣天下之孝思是用詳按舊章稽合嘉禮爰築其館載肅之車卜以仲秋社茲元吉向班初冊嘗擇其名未拓膏腴尚闕湯沐進開曲阜之國行食龜陰之田儀服有光號名增重於戲貴宜口降富勿期驕尚懷圖史之言緬念衿褊之戒往服休寵永綏壽昌可特進封究國公主仍令所司備禮冊命

冊長女究國公主文

維嘉祐二年歲次丁酉七月乙亥朔二十七日丁酉皇帝若曰二姓合好肇正人倫諸女畢封著于典冊風化自出物采有庸惟皇度衷稽諗故實揆古釐降錫命是彝咨爾長女福康公主慧悟哲溫柔嘉敏達夙憑詒翼之慶祇蹈婉和之箴徽智天成韶華日茂鄉昨國邑期之壽康而夷亮自持莊靚愈恪肅侍左右勤孝盡恭承顏愿色純至非勉寔繫能養乃底燕寧朕緬慕先慈參詢福耦謀及外黨得茲



善述枚卜休辰申寵褒數益以東魯之地廣以龜蒙之疆服爾盛儀率遵舊典今遣戶部侍郎參知政事王堯臣樞密副使禮部侍郎田况持節冊命爾為兗國公主爾其欽師內範繹敷令猷動監圖史之規時稟衿福之戒懋乃懿躬淑德祇服祖宗之攸訓永流惠聲不其倚歟

皇第九女封福安公主制

嘉祐五年正月甲寅

門下朕稽有國之彝章著皇女之稱謂取其主以同姓所以見王體之尊必也錫之美名所以彰禮命之寵載消吉日敷告在廷皇第九女岐嶷之姿有生知之異稟柔順之質得天性之自然方嚴保傅之規以養肅雖之德仰遵舊典褒以徽章嘉了妙齡盛哉儀服考僉言而惟允非予意之敢私於歲隆仁恩以厚親茲惟教愛習圖史而循法繫乃夙成祇若訓言往膺渙命可特封福安公主仍令所司擇日

備禮冊命主者施行

皇第十女封慶壽公主制

同上

門下詩紀王姬之盛車服之制甚嚴漢優帝女之儀湯沐之封並列蓋敦國體以厚人倫惟始被於寵章常推擇於嘉號載稽成憲誕告外廷皇第十女寶婺分輝仙源襲慶天姿異稟溫而有儀姆教不煩生而知善方居妙歲蔚有令猷仰承燕翼之謀膺茲蕃衍之祉俾新禮命式示褒崇於戲寵秩既崇在乎有德名稱甚美享乃多儀祇服茂恩勿忘明訓可封慶壽公主仍令所司擇日備禮冊命主者施行

皇第十一女封永壽公主制

嘉祐六年三月壬寅

門下朕開帝女之號本主以上公王姬之儀才下於一等古有成訓今庸可私皇第十一女瑤姿瓊質內蘊自天之溫蘭英蔭華居懷香

國之懿言皆無擇行不忘恭疏潤寶源誕秀冲魄臨珩璜之素矩服  
圖史之前歲諒席蕃衍之祥能挺柔明之美語年雖妙推德已隆用  
煩慶言申錫嘉稱於戲上智披稟雖本於生知內則所儲尤資於充  
念益循圖史之戒前玆聲詩之華往服茂恩聿光徽範可特封永壽  
公主仍令有司擇日備禮冊命

皇第十二女封寶壽公主制

同上

門下朕聞自家所以刑國治內本乎先親况天挺王姬邦善封典舉  
循厥舊今也惟時皇第十二女儲光婺躋宵順坤極未覺古而知教  
雖尚幼而好仁在姆弗勞處躬不怠德範已就褒冊難稽是用滄選  
休辰焜照蕃渥順格景風之懿播聞穰李之華商錫嘉名護成淑  
質於戲周推車服之懿漢啟脂澤之榮匪曰親私繫乎治體無替  
前習更玆來息可封寶壽公主仍令有司擇日備禮冊命

宋朝大詔令集卷第三十六

宋陳大詔令集卷第三十七

宋朝大詔令集卷第三十七

皇女二

封拜二

岐國公主進封越國長公主制 治平

門下朕宅天景命紹國洪圖外則正朝廷之儀以經夫丕治內則慎骨肉之序以燦序至恩庸一風化之歸敢私名分之寵岐國公主鍾先帝之愛列貴主之尊被女德之肅和飭婦言之柔靖魯郊築館早符下嫁之祥沁水流園遂享繫封之賦方布休於羣位宜展睦於至姻更荒大國之田益貴皇家之裔雖稽舊典蓋協僉言於戲報極劬勞痛昭陵之晚篤義深友愛慰長樂之晨顏勉輯芳猷往茂教

寶壽公主進封順國長公主制 英朝

門下朕握元符以建中天之統合茂族以厚萬國之風矧惟同氣之親鍾在先朝之愛流徽載冊口告敷朝寶壽公主儀度夙成聰明日就行于皇裔實為邦媛之長主以上公蚤錫天孫之號奄罹鉅痛遣履妙齡追膝下之素遊禁中之永慕願膺聖庥義篤人倫口口愛於友懷宜躡榮於邦數昨封名壤德播穠華於戲古有口女之圖既飭以組紉之事上承文母之訓又勉以蘋藻之儀爾止是綏厥休惟永可

皇長女封德寧公主制

英朝

門下朕荷九旻之顧奉四聖之圖恭陟厥后之尊大纂有邦之慶蓋化行序中則治之本思發于近者愛之隆既展睦於皇宗矧鍾慈於天性稽我成憲豈云私親皇長女秉幽靖之儀賦柔明之德神祚行於遐泝天資茂于芳年有勤澣服之工嘗攬繪圖之戒肆鴻休之丕

冒宜徽稱之肅成方主以同姓之賢復視以真王之秩可欽匪寵可慎非猷於戲美玉姬之華昔起召南之詠建帝女之號近尊唐室之彝勉流淑聲永保隆福可

皇長女德寧公主進封徐國公主

治平隆王師約

門下周美玉姬之華下正后之一等漢推帝女之寵主同姓之諸公故至愛形而九族歡內則正而四海順乃瞻公宮之懿遠從世闕之速宜合丕彝用孚羣聽皇長女德寧公主倦支襲慶邦媛流徽鍾天性之深慈躬女圖之茂矩幼而勤組紉之習亦既飭婦事之脩長則有室家之歸將以經人倫之始維衿鞶之有命維車馬之有行下仲冬之嘉辰祉大易之元吉瓊華在著已戒齊風之醜粉水疏園莫如徐國之樂侈燕謀於皇裔充美化於民間顯錫徽章大旌柔度於戲前攬唐家之制盥饋不可以闕供近稽仁廟之撫冠服乃從於少損蓋

肅雍者賢之檢儉約者古之師其體至懷自膺長譽可

順國長公主進封冀國大長公主制神廟 仁宗十二女

門下朕承帝祚之休則知繼繼之所以重經人道之始則知親親之不敢遺茲大政於初朝錄羣宗於舊牒化行編字惠本皇闡順國長公主性凝而色恭德專而言靖躬霄明之盛則慕彤史之遺芳蓋先朝同氣之親有慈壽少女之愛雖湯沐之賦蚤視真王之所封而車服之容不以貴主而自侈肆纂承之末類懼尊遇之靡昭重緣訪落之謀誕錫颺言之冊既加之長號又益以大名載疏連土之腴式副諸姑之寵於戲王姬亞后本召南之正風帝女開田用西京之故事往膺嘉數思廣徽音可

徐國公主進封陳國長公主制神廟

門下朕承天纂極雖賴祖宗之休經國範民奚先族屬之愛維是頌

常之始矧予同氣之親敷告治廷嗣盼顯冊徐國公主體專正慈德懋柔明蚤佩箴管之儀知女工之無不至時觀菹醢之奠知婦事之無不虔比從築館之行每念結禱之訓應天飛於神運孚邦號於渙風載荒南國之腴且擬沁園之盛化維近始愛實中流於戲表鮑女之宗嘉外事之所不及抑館陶之子戒內謁之不可興勉迪前規永綏令福可

寶安公主進封舒國長公主制

門下漢推女愛皆主上公之隆充廣族恩遂變黎民之睦願荷先謨之託敢忘近屬之褒遠臨政幾誕盼廷渙寶安公主生知淑訓日就芳儀維越在於妙年已積流於惠問永念先帝實深天性之情載惟冲人口輯邦風之美方鴻恩之冒物因厚意以展親雖無分玉之華亦有加田之寵錫之大國蓋擬諸王之封益以長名口口同氣之屬

以孚至化以應前彛於戲慰長信之慈惟孝愛所以形國考大家之誠維驕盈不可儀人往承之休益懋爾止可

祁國長公主進封衛國長公主制

門下帝妹中行易象贊其元吉王姬下嫁召南美其肅雍命服亞正后之尊主禮用上公之貴寵光之盛維昔而然矧同氣之至親推異數而何愛祁國長公主席靈長之緒承濬哲之祥稟乾坤之粹和鍾日月之明潤淵懿可度柔嘉有章志女功而忘勞承師教而不倦今玉筭在首厭翟戒塗方結恍於皇家將執筭於士族宜疏沫土之邑俾遠富平之孫庸展茂恩誕字醲化於戲琴瑟靜好式昭和樂之音雷風順承是為常久之道勿以夫家之平素有虧婦德之聽從祇服訓詞永綏福履可進封衛國長公主

皇第三女封寶慶公主制

仁篤於親時方底風化之美事師於古眾不以名分為私遠攬近司之陳且旌皇女之號靡顛予愛用迪厥彛皇第二女慶叢温潢秀生紫掖如素舒之秋耀如穠李之春華未舉公宮之儀已昭賢女之範將輔成於淑質宜商錫於美名加之以綸狄之衣副之以辟邪之玉雖曰命上公之主不敢擬半楚之封然而秩視真王禮參正后並為人子者貴之盡亦有天下者親之隆匪颺大謨曷穆羣聽於戲皇室多祉嗣膺百世之昌天孫下遊更洽三宮之慰益勉柔度進服珠休可封寶慶公主

皇第三女封淑壽公主制

書紀欽哉釐降垂芳於克典詩歌穠矣肅雍流美於召南乃知皇女之崇厥有聖經之載朕承積累之慶集眾多之祥宜推廣於愛慈用寵嘉於稱謂詎是穀旦敷于治廷皇第三女毓秀仙源分輝寶婺恭

順不違於姆教懿柔寔稟於天資雖當亂之初已覲言容之婉列  
侯視秩將遵漢室之儀美名受封爰考唐家之制於戲淑者善之義  
期正德之溫純壽者福之先庶椿齡之長遠勉服明訓對子懋恩可  
特封淑壽公主

邠國大長公主進封魯國大長公主制

門下周美王姬之華為之築館漢推帝女之寵主以諸公宜沿舊典  
之常褒顯尊屬之懿誕揚明命播告大廷邠國大長公主邦媛嗣徽  
天支毓秀鍾仁祖之深愛服東朝之誨言居守圖史之規動循環珮  
之節維中行之協吉宜異數之有加疏封大邦更易舊邑率西水之  
土雖曰郊荒保東方之田莫如魯樂惟德是稱既克佩車服之華率  
禮而行又將成國家之美尚膺長譽以蹈訓辭可特進封魯國大長  
公主仍令所司備禮冊命

冀國大長公主進封魏國大長公主制

王姬有行成周隆車服之飾帝女下嫁西漢疏湯沐之封永言貴主  
之賢蓋有諸姑之重禮將嚴於築館義敢後於進邦敷告治廷肆颺  
替用冀國大長公主柔明蚤就婉懿自持實先帝同氣之親膺東朝  
少女之愛而能問圖史之誠佩箴管之儀將從合好之行以侈冝家  
之吉選勳門之裔得汾陽之善述賦連土之腴荒大名之邇服如月  
幾望在鈞惟緡愛自中流化由近始於戲誦昭陵之聖知教德之夙  
成追光獻之慈嗟結縞之何及往膺嘉數茂協多祥可特進封魏國  
大長公主

魏國大長公主進封楚國大長公主制

門下朕欽奉詒謀獲紹大統承祧繼序方懷翼翼之心經國範民宜廣  
親親之教粵惟帝子夙表天姍載揆嘉辰肆頒明制魏國大長公主

席皇支之慶擅尊屬之賢言動協於箴規功緒符於圖史宜春啟  
館宣承仁祖之休沁水疏園浸被先朝之暎屬守成之伊始宜錫命  
以有加易北道之名區啟南郊之善壤載蕃異數申育隆名以茂龍  
光以華湯沐於戲周崇懿戚固以大姬為賢唐敘近親必以襄城為  
法往膺優渥永介壽康可特改封楚國大長公主仍令所司擇日備  
禮冊命主者施行

淑壽公主進封溫國長公主制

元豐八年

門下膺圖踐祚不敢忘繼繼之難悖俗範民莫若厚親親之愛矧下  
配天之澤宜先同氣之賢播告治朝肆頒顯冊某承華帝系毓秀天  
淵聰悟見於少成婉嫕由於自得澤雷興象位已光於中行莞簞既  
安祥遂符於吉夢屬縉乾飛之運大敷渙散之恩即泐水之與區疏  
永嘉之成國以昭悖叙以協榮懷於戲錫以長名本漢庭之故事封

之真戶亦唐室之遠猷往承其休益戒而壽

韓國大長公主進封周國大長公主制

元豐八年

門下仁始親親先王未之或改體崇貴貴天下不以為私方揆覽於  
政機宜頒敷於恩典興言帝子席慶皇枝稽合舊章肆頒褒律某聰  
哲明遠柔閑靜專被昭陵覆育之仁有光獻願復之愛如月幾望雖  
乘昔寵之行在鈞維縉式茂雖和之德應乾飛之洪緒命渙散之庇  
恩易梁地之與區荒周邦之善壤以隆尊屬以迪大名於戲南平肅  
恭遂成有國之美漢陽勤約迄為近戚之師往服寵光永膺福  
祉

皇第四女進封康國長公主制

元豐八年

門下朕荷天之統續國之圖史盼布湛恩周流於四海悖崇大號欽奉  
於兩宮永言貴主之賢早修皇枝之緒申頒贊策用迪舊章某毓秀



溫潢承暉太極教未親於保傅德深協於柔嘉五愛先朝瞻特隆於  
天性承顏長樂意祇順於母儀肆予續承聿懷褒顯誕敷徽典申錫  
長名載荒康國之腴以擬諸侯之秩泱泱汶水未修築館之文奕奕  
漢儀光啟疏園之澤往膺茂渥益介繁禧

皇第八女進封沂國長公主制

元豐八年

門下愛之歆其貴是為天下之同心授之不以私蓋有先王之故事  
興言帝子毓秀皇支方均踐祚之恩特下告庭之命某性無聰悟體  
備柔嘉穠李詠於召南明見光於漢水未即公宮之教已流中壺之  
聲方紹述於先猷敢愆忘於大卜特頒徽策中加長名載荒沂國之  
封且擬沁園之盛佩之紫綬同度數於諸侯錫以乘車亞威儀於正  
后於戲言飾真館未修東魯之文將勝于衣永奉西朝之瞻勉躬柔  
度用對殊休

皇第十女進封德國長公主制

元豐八年

門下朕誕膺駿命肇臨庶邦斟酌百王之曠文遵循六聖之大典眷  
言貴主毓秀皇閑申錫寵章具乎群聽某性包聰悟體協柔嘉席長  
大之慶源挺少成之令譽蘭芬玉振宣符考室之占日暉月明首兆  
後庭之訓屬纂承於洪緒恩頒布於旒恩載疏北國之腴用契先朝  
之愛該循舊典匪曰私恩於戲徽冊維新正啟開元之封戶長名加  
錫將主同姓之諸公往迪恩輝益遐壽祉

皇第十九女進封嘉國長公主制

元豐八年

門下欽奉燕謀紹承大業荅揚帝訓永惟負荷之難瞻與天倫思極  
褒嘉之意其乎正號以詔治廷某體聰悟之姿席靈長之緒稟乾坤  
之全口鍾日月之盛明有桐其楹首兆彤闈之慶載衣之褊早門右  
旒之祥方茲續承越有褒序以厚同生之愛以荒成國之腴進以長

名蕃之異數於戲闕

衛國長公主進封冀國大長公主制

門下朕荷二儀之休承六聖之業渙湛恩於萬國隆懿號於兩宮永惟貴主之賢保有皇支之寵載頒新命以告治廷衛國長公主性備柔嘉德兼專靖有寶慈季女之愛寔先朝同氣之親中以貴行亶荷休明之烈宛然左辟不忘法度之循慶屬承祧恩先敘族誕頒徽冊易妹土之奧區申錫大名荒冀郊之美國特蕃異數良協慈衷以穆民風以陪湯賦於戲琴瑟靜好夙聞和樂之音車服穠華允稱肅雖之德往承渥命永介繁禧可特進封冀國大長公主仍令所司擇日備禮冊命主者施行

溫國長公主進封曹國長公主制

元祐七年二月丙寅降

周制王姬下於重翟之一等漢封帝子主以同姓之諸公維尊貴而

有行願肅雖之甚寵人倫伊始風化所基仰懷謀烈之休祇率典常之舊前期築館茲命有家溫國長公主儲寶婺之靈輝侔素舒之華耀柔嘉為德生資濬哲之祥淑慎有儀居迪寶慈之訓夙啟蘭陵之大邑將駕金根之右駢忠賢之家莫如口樂滋沐之賦其以濟陽於戲常卦長陰相與協雷風之象台南婦道彼穠如桃李之華鳳凰于飛而和鳴琴瑟在御而靜好永維爾室之燕譽益重我邦之榮懷可特進封曹國長公主仍令所司擇日備禮冊命

宋朝大詔集卷第三十八

林靈通... 公... 詔... 封... 拜... 三

宋朝大詔集卷第三十八

皇女三

封拜三

冀國大長公主進封秦國大長公主制紹聖二年十月己卯宣仁外除

立愛篤親繫於王者之風化從口謹禮必以人情而節文朕永慕徽音俯終哀制論功紀德而不能口其報竭誠盡順而無以致其思眷惟近戚之賢常有慈顏之念禮宜有稱義所不忘爰居大廷式頒休命冀國大長公主肅雖成性淑慎有儀以帝女之貴而不習於驕以皇姑之尊而能茂厥德懿範成於靜正善行發於薰修屬當祥禫之周固深霜露之感匪加褒冊曷廣孝心中冀開榮已視真王之品咸秦錫號更增大國之封於戲安享隆名所以厚口國之慶仰懷先訓豈復衿車服之華益蹈歲規期綏祉福可進封秦國大長公主仍令所

司擇日備禮冊命

皇長女封福慶公主制

紹聖三年二月丙子

敦天性之愛則以義而稱情叙人倫之恩則因親而立教眷予元女有國舊章爰即治廷誕孚明命皇長女天枝發秀坤掖分輝早符設悅之祥百兆塗椒之慶柔明日就雖未逮及笄之年岐嶷天資肇已有成人之度考循彝典敷錫美名主之同姓之公視以真王之秩以親天屬以揚王休於戲周美玉姬下其車服之等漢尊帝女胙以湯沐之封茲無愧於前人其永綏於多福可特封福慶公主

皇第二女封德康公主制

紹聖三年五月辛卯滿月

朕嗣有令緒獲承至尊先正其身以迪家人之吉乃安斯寢繼膺女子之祥敷錫寵名誕揚休命皇第二女英華秀出婉孌性成天寶祐於皇枝人聿懷於邦慶載震載夙既踰彌月之期克岐克嶷將兆成

人之美諷辰協吉若古有章申之以父子之至恩主之以公侯之同姓是基王化式厚人倫於戲禮以待年雖未築魯侯之館風將正始庶克紹平王之孫其對揚於殊休以永綏於多福可特封德康公主仍令所司擇日備禮冊命

康國長公主進封定國長公主制

紹聖四年二月庚午降

朕始基王化敦叙人倫維時同生乃國懿戚爰託體於先帝將下嫁於諸侯孚于大廷寵以休命康國長公主徽猷順穆懿行福和有王姬之肅雍有靜女之婉孌發祥考室慶昔兆於占蛇合好承家禮甫成於真鴈築茲外館建爾大邦昨以脂澤之封卞其車服之等以祉中行之元吉以伸維則之孝思於戲惟聿脩厥德則宜其家人惟淑慎其身則成於婦道永綏厥位尚遠乃猷可特進封定國長公主仍令所司擇日備禮冊命

皇第三女封懿康公主制

紹聖四年六月丁未周辟

夫家道克正乃為王化之基人倫之親莫先天屬之愛眷予幼女周  
晬斯辰其猷告於外庭肆誕頒於顯冊皇第三女天潢毓粹寶婺儲  
輝早應設悅之祥未至及笄之歲德柔嘉而日就性岐嶷以自然用  
商賚於美名以輔成於淑質視以真王之秩主之同姓之公豈惟懋  
閨壺之修抑以廣宮闈之慶是稽成憲豈曰私親於戲彼穠桃李之  
華周詩述王姬之德洵美瓊琚之佩鄭風稱有女之賢尚遠乃猷克  
將而福可特封懿康公主

皇第四女封懿寧公主制

元符元年九月壬戌

國家祚運重熙宮闈襲慶有齊季女方在孩提率由舊章宜蒙位號  
其頒顯冊以詔外廷皇第四女孕粹璇源參華寶緒犀帳珠襖不煩  
傅姆之勤瑜珥瑤環蚤著成人之度信帝子之來降真天孫之下遊

誕彌六寢之歡燕及兩宮之慰適臨晬日肇錫華名視以真王主之  
同姓蓋推恩者必幼吾幼而立愛者在親其親非朕爾私厥循彝訓  
於戲于魯築館未反議高門之姻半楚疏封方將啟大國之壤益慎

爾止往承之休可特封懿寧公主仍令所司擇日備禮冊命施行

周國長公主進封燕國長公主制

元符三年正月甲午祐陵即位

門下朕嗣守大訓君臨庶邦念遭難於我家用奉若於先后乃眷諸  
姑之長恃惟近屬之尊播告庶邦爰申顯冊周國大長公主徽猷淑  
美順德裕和履帝武以發祥執婦道而下嫁念茲皇祖久對越以在  
天末予冲人大統承於遺緒稽其舊邑已建周邦寵以命書昨之燕  
國以揚初政以示敦宗於戲流光垂榮申錫曾孫之慶開封列壤用  
增常棣之華服我寵章益綏繫祉可

楚國大長公主進封吳國大長公主制

同上

門下朕懼國大憂紹天明命昭格烈祖方懷追遠之晴問我諸姑肆  
有褒嘉之舊其頒顯冊教告治朝楚國大長公主育粹仙源發祥帝  
武高無危溢之累貴有法度之循曷不肅雍非獨尚車服之美莫不  
靜好是用嘉琴瑟之和屬繡服之云初宜茂恩之申錫胙之大國寵  
以命書於戲貽厥孫謀永念昭陵之德軌茲婦道益彰魯館之休往  
服寵榮用綏多福可

秦國大長公主進封越國大長公主制 同上

門下朕嗣守麻服綏御家邦願未堪於多艱示惟新於厥德乃眷諸  
姑之長肆申睦族之恩秦國大長公主懿範順和令猷洵美昔文祖  
英廟口天性之慈我烈考神宗厚天倫之友頃疏封於秦土已築館  
於魯邦茲獲紹於前人用申加於異數進登大國敷告治朝豈曰私  
親是稽成憲於戲下其車服之等克邁周姬申之湯沐之封式隆漢

主尚迪有祿永孚于休可

曹國長公主進封冀國長公主制

元符三年正月二十八日乙未

門下朕篤愛天倫肇修人紀率時昭考永口欲報之恩視茲同生誕  
布惟新之命曹國長公主柔閑有則淑婉自將穠如桃李之華變若  
絲綸之鈞昔我先后推則友以因心未予冲人在口先而改後口榮  
有典出命于廷於戲豈無他人莫如同父之戚口口口口口次諸姑  
之尊尚祇乃心以綏厥祿可

定國長公主進封鄧國長公主制 同上

門下朕紹明命以宅師口大猷而口口惟新厥德以治其家眷同氣  
之懿親乃天倫之近屬其申顯冊播告庶邦定國長公主懿美積中  
柔明秀外早發祥於帝武頃下嫁於諸侯有穠桃李之華有蕃瓊瑤  
之佩下其車服不繫其天錫以土田主之同姓屬茲繡紹是用褒嘉申

錫命書進登大國於戲猶執婦道 繼周王之姬宜其家人增重魯  
侯之館其祇寵命以介多祥可

德國長公主進封慶國長公主制 同上

門下惟天降割遭家多難未予冲人嗣大厯服茲承懷於烈考用申  
命於天倫德國長公主懿美閑和柔嘉順口口靜女之婉孌懋王姬  
之肅雖雖未隆婦道之行然動守口箴之戒方履承祧之始肆頒睦  
族之恩孚旨明廷進登口國以作爾祉以揚王休於戲立愛惟親式  
隆帝乙之妹因心則友尚繼平王之孫往承天休益介爾福可

德康公主進封榮國公主制 二十九日丙申

門下朕嗣無疆之大厯宣列聖之重光方謹始以承祧願敦宗之有  
典誕敷明命申錫懿親德康公主岐嶷生知柔嘉日茂永懷先后遽  
罹罔極之憂肆予冲人敢後有先之義用篤因心之友是增慈幼之

情錫以命書胙之封國於戲莫遠具爾重念前人之休從而進之示  
敦猶子之愛往綏爾祿適觀厥成可

懿康公主進封嘉國公主制 同上

門下朕恭天眷命續國慶基用推敦叙之仁誕布惟新之政乃眷懿  
主告于治朝懿康公主淑德日新令儀天賦克師承於傅姆已訓順  
於公宮方就卷以無方遽纏哀於罔極茲切因心之美用增慈幼之  
情錫命告廷疏榮開國以作爾祉以揚王休於戲惟新陟王永篤在  
天之慕莫如同父用申睦族之恩祇服寵光益臻多福可

皇長女特封德慶公主制 建中靖國元年五月二十九日

門下政先治內禮貴緣情雖曰王姬實繫國風之重乃生元女允為  
家道之祥稽厥典章嘉其性習爰頒美號用告大庭皇長女桂魄分  
輝天枝發秀柔嘉自得無煩傅姆之賢聰悟風成知習公宮之教載

占穀旦咨用僉諧特加封邑之榮增重宮闈之慶於戲妙齡岐嶷已  
多淑慎之儀內則漸磨更茂肅離之德益遵懿範以永殊休可

皇第二女特封永慶公主制

靖國元年二月庚子

門下篤親所以興仁正始所以基化國必有禮命之異人不以名分  
為私粵惟帝女之尊高視列侯之貴嘉循舊典敷告外庭皇第二女  
寶姿流徽仙源疏派稟幽間之淑德賦柔靜之懿姿早符設帙之祥  
載茂塗椒之吉覃訃異秉信天人之儀刑岐嶷夙成均日月之明潤  
未習公宮之教無煩傅姆之賢爰諏令辰肇新美號擬真王之秩主  
同姓之公以厚人倫以蕃帝室於戲親之欲貴豈特盛車服之崇戒  
之用休予以廣宮闈之慶往膺多祉進懋殊恩可

皇第三女特封順慶公主制

崇寧二年三月

門下朕迹風化之源則治繇近始率敦叙之典則恩必內崇仁匪私

親禮將明分皇第三女柔嘉之則稟自生知岐嶷之姿得之天性穠  
華滋發賢範日新無煩傅姆之勤蚤著成人之度思輔淑質用加美  
名主之同姓之公視以真王之秩庸侈皇圖之慶益昭家道之祥於  
戲詩紀王姬蓋推車服之盛漢尊帝女實優湯沐之封惟克順承乃  
膺多福可

皇第四女封淑慶公主制

崇寧二年三月三日

門下朕纂承丕基欽篤前烈帝室多祉誕膺邦國之祥天孫下游更  
泱宮闈之慶眷予愛女爰錫美名豈曰私親是惟成憲命龜薦吉孚  
號告廷皇第四女毓粹仙源分榮寶系英華秀發婉慧生知性自得  
於柔嘉教靡煩於保傅將盡增其異稟茲寵眷於徽章秩視真王禮  
參正后主公侯之同姓申父子之至恩以協公言以恢大化於戲愛  
形乎內仁斯覆於萬方治先於家風遂行於四海往履多福勉流淑



聲可

冀國長公主封秦國長公主制

崇寧二年五月六日

門下朕承燕詒之考烈賴雍佑之母慈禮變禪祥甫畢三年之制恩隆骨肉將形四海之風惟時同生乃國貴主特頒顯冊爰告治朝冀國長公主毓秀璇源發祥寶緒質美瑛瑤之粹姿穠桃李之華大國名都視以真王之秩高門勲胄主之同姓之公寵祿愈光賢聲彌紹逮茲免服肆以推恩易中冀之舊封啟咸秦之新壤用彰懿範期廣孝心於戲帝妹既歸當蘄於受祉天姻維隔亦尚於宜家益懋徽猷永膺遐福可

皇第五女特封延慶公主制

門下朕嗣有令緒率由舊章帝祚是承敢忘繼繼之重人治為大孰先親親之恩眷惟諸女之封茲實有邦之制誕告列辟庸示至公皇

第五女柔明夙成韶令日就天資自度姆教靡勤雖越在於提孩宜進膺於位序以侈官闈之慶以將閨壺之脩蓋舉前彝用昭寵數於戲主之同姓惟王室之是尊錫以美名見天孫之特異勉循圖史之戒茂對車服之華嘉聲垂延多福口口可

韓國長公主特封魯國長公主制

崇寧二年五月六日

門下睦族惇宗是惟天子之孝分封錫號斯亦聖人之公朕紹業泰陵蒙休慈德感慕甫紛於哀制褒崇當及於懿親其布徽章以孚眾聽韓國長公主稟宿令淑造行柔嘉遠積潤於紫潢夙揚輝於寶婺從博姆之教則樂善以忘勞飭玉姬之車則降嬪而盡禮素顯宜家之譽屢疏封國之腴祗服寵光率循憲度肆易名於韓土爰析壤於魯郊以昭惇叙之仁以協榮懷之慶於戲施深則報重屬近則恩隆形孝友之風庶其無愧茂庸雍之德時乃有休益蹈箴規永綏壽祉

可

慶國長公主進封益國長公主制同上

門下朕席昭孝之閔休承欽儀之至德竭誠盡禮願未足以報功立  
愛施仁宜莫如於敘族歆致廣恩之道必先同氣之親其詔治廷以  
頒褒冊慶國長公主秉心淵懿履行粹和慶鍾長發之源皆稟火成  
之智動循典訓居臨箴規淑慎為儀則有齊之季女肅雖迪德則彼  
美之正姬必錫號以分封猶待年而築館誕增燕譽益懋寵先改慶  
朔之名區撤岷梁之善壤以敦天屬以睦民風於戲授之不以私蓋  
有古今之通誼親之欲其貴實存仁孝之至情祇服訓辭永膺壽嘏  
可

宋朝大詔令集卷第三十八

宋朝大詔令集卷第三十九

皇女四

封拜四

皇第六女特封壽慶公主制崇寧二年五月六日

門下篤天性之至愛則仁始於親尊王道之丕彝則禮先乎近眷予  
幼女早膺設悅之祥舉國舊章爰布告廷之命皇第六女柔嘉異稟  
溫惠夙成分寶發之凝輝毓璇源之秀潤剪鬢午建方觀婉孌之初  
帶瑗丁辰已著肅離之漸瑟彼瓊瑤之旒煜然桃李之華雖未教於  
公宮寢克諧於姆訓屬諏龜之協吉乃出綈以疏榮氣當長養之時  
樂具舒和之奏主之同姓視以真王以昭考室之祥懷以須築館之  
燕譽於戲壽特高於五福以莫不增慶本自於一人求錫爾類茂綏  
嘉號翁受沖祺可

益國長公主進封冀國長公主制 崇寧三年十一月十一日

門下朕親睦九族惇勸萬方惟王化之始基本人倫之大義乃眷帝室之戚有如王姬之賢將下嫁於諸侯當主嫔於同姓肆盼顯冊敷告治廷益國長公主毓秀天源託質神考賦蕭雍之美德體柔嘉之令儀洵若瓊瑤華如桃李恩既崇於築館禮宜備於承家爰錫寵章更舊封於益部誕膺異數開大國於冀方豈獨盛其儀服之容亦以厚其湯沐之奉惟國之舊匪予所私於戲鳳皇于飛蓋得女歸之吉琴瑟在御勉成婦道之隆尚體朕懷毋忘爾事可

皇第七女特封惠慶公主制 崇寧四年六月十三日

門下以御于邦治必由於家始欲明其德愛寔自於親先矧惟帝女之隆肆有國章之舊誕颺成憲敷告外庭皇第七女毓秀仙源分暉寶婺聰惠著于覃訄之際柔嘉見於岐嶷之初得天性之自然賦生

知之異稟雖未逮反筭之歲願已有成人之姿朕仰承燕翼之謀荐膺蕃衍之慶將輔就於淑質俾商錫於美名主之同姓之公視以真王之秩載洎穀旦式舉丕彝以厚人倫以基王化於戲周詩美車服之等漢氏啟湯沐之封恩匪親私義惇國體其對揚于休命用永介于鴻禧可

皇第八女特封安慶公主制 崇寧

門下朕克紹先猷敢忘於繼繼用隆天性思篤於親親是為王化之基時乃人倫之本眷諸諸女有國彛儀涓選嘉辰對揚休命皇第八女儲祥寶婺秀濟源淑質得於天成徽聲聞於日就吉口大人之兆宜爾弟兄美播主姬之時華如桃李雖未離於襁褓固已口口言容既下天孫之津來符景運未降帝子之渚宜受始封屬吉日之斯臨率舊章而誕布匪惟私昵盖有典常主以上公加之美號安乃康

寧之謂俾壽而減慶無福祿之稱方興未艾佩以辟邪之玉陳之厭  
翟之車協我慈懷錫爾寵數於戲亞于王后實稽周室之隆冠以徽  
名亦用唐家之舊往膺優渥益介繁禧可

皇第九女封和慶公主制

崇寧四年十月三日

門下敦天屬之親所以刑風化之本率邦章之舊所以嚴名分之公  
茲恩義之大方寔古今之彝制朕呂家人之吉繼膺女子之祥肇舉  
徽儀誕啟休命皇第九女口華寶緒毓粹璇源蘭茁其芽居懷香國  
之懿王瑩其質內蘊自天之溫未煩傅姆之勤已著成人之度屬命  
龜之薦吉孚出綍以疏封商錫美名俗崇顯冊視以真王之秩王之  
同姓之公以昭帝祉之休以篤天孫之慶於戲克岐克嶷既彰和惠  
之資無非無儀寔懋肅雍之德永綏壽嘏益對龍光可

吳國大長公主特進封吳越大長公主制

崇寧五年十月二十四日

門下朕纂紹玉圖欽篤前烈睭昭陵之愛女寔尊屬之懿親義所當  
隆恩宜有稱申加異數敷告外朝吳國大長公主柔惠而性純端莊  
而言靖席玉姬之貴富而體尚清恬居帝子之高明而動遵沖約夙  
顯冝家之譽荐膺徽土之封固已禮秩視於真王儀服參於正后而  
遽邁發居之威重興感惻之情是用進兩國之隆名敷大廷之徽冊  
以展愛親之意以昭優異之章時惟茂恩式口彝典於戲念茲皇祖  
每懷圖報之衷問我諸姑肆厚褒賢之渥尚祇光寵永介壽祺可

皇第十女進封康慶公主制

崇寧五年十一月十六日

門下為政以德治其國者齊其家立愛惟親發乎過而見乎遠朕祇  
率典訓稽參情文以厚人倫之風以悖王化之本睭惟幼女肇啟初  
封播告在廷誕揚顯冊皇第十女仙源毓粹寶婺儲英岐嶷得之生

知柔順資於天性承徽日茂鍾秀增華未覲公宮之彝已昭邦媛之  
度列侯視秩將圖炎漢之規嘉號別名爰攷有唐之制主上公之同  
姓亞王后之盛儀以彰命數之隆以侈皇家之慶於戲欲其貴富既  
伸天屬之恩曷不肅雍其懋王姬之美往承休命永介繁禧可

魏國大長公主進封

大觀三年六月二十八日

門下迪追遠以展親蓋將廣孝因叙情而疏寵所以隆恩眷言近屬  
之尊粵有廢居之感願深優遇益厚褒章消以休辰告于列位魏國  
大長公主稟資和惠履行溫恭席王姬之貴而迪德有常處帝姑之  
崇而率禮無越久著宜家之質荐膺賜邑之榮視爵秩於真王參儀  
服於正后比軫私庭之感屢興中夜之思義所當先命惟有稱是用  
昨以兩國廣湯沐之新封册于大廷備聲容之縟典併超彝制益示  
龍光於戲以慰其心推厚陵之慈念用錫厥祉協神考之友懷尚服

殊休永綏多福可

除皇第十四女特封口福公主制

大觀二年七月五日

門下立愛惟親用致人倫之厚以名出信蓋彰命數之崇眷予治假  
於有家時乃慶鍾於幼女宜申異寵以稱隆恩爰告大廷式孚群聽  
皇第十四女璿源毓粹寶婺分輝懿範天成潛蘊瓊琚之美淑姿日  
就寢敷桃李之華自膺設帙之祥茲屆剪羈之祉載消穀旦肇錫徽  
章主之同姓之公視以真王之秩以昭惇叙以主榮懷於戲曷不肅  
雖益懋成人之德欲其富貴特加大國之封其茂對於龍光以永綏  
於壽嘏可

皇第十五女特封綏福公主制

大觀四年正月十八日

門下朕欽承丕緒祗紹燕謀王假有家誕厚人倫之本天錫純嘏繼  
膺女子之神惟時初封厥有彝憲載消穀旦敷告大廷皇第十五女

寶姿分輝仙源毓粹英華秀發煜然桃李之姿溫惠生知瑟彼瓊瑤  
之質將兆成人之度宜新迪德之名主于同姓之公視以真王之秩  
盛其儀服冊以命書以昭典禮之光以侈宮闈之慶於戲周詩正始  
寔美玉姬之車唐制彌文斯宗帝女之號對揚恩渥茂介壽祺可

瀛國公主特進封陳國公主制

大觀四年  
三月四日

門下朕誕膺景命祇紹寶圖永懷天顯之親惇叙人倫之本曷言懿  
主鍾愛泰陵念女子之有行雖玉姬而下嫁宜崇異數用榮至恩數  
告治廷肆敬替冊瀛國公主仙源毓粹寶姿分輝聰惠敏明稟天姿  
而特異婉柔端靜在姆教而弗煩動遵圖史之規居飭組紉之習方  
迨及笄之茂將從外館之歸是用易河間之口口啟口陽之新壤亞  
于正后之等主以上公之尊口口口口之嘉辰口大易之元吉以合二  
娃之好以基萬化之源於戲遠監周詩匪專榮於車服近觀唐戒亦

成美於家邦往懋肅雍永綏壽嘏可

皇第十六女特封顯福公主制

大觀四年  
七月八日

門下朕紹承聖緒祇荷天休宜其家人永迪御邦之慶乃生女子繼  
膺考室之祥惟時初封厥有彝憲載洎穀旦誕告羣工皇第十六女  
質稟口口性口慧口秀毓璇源之潤榮分寶姿之輝婉婉以從雖未  
即公宮之教柔嘉自得願無煩傅姆之勤屬口日之甫臨盍徽章之  
肇舉參稽茂實褒進美名主同姓之上公視真王之峻秩以昭內治  
以厚民風於戲推敦叙之隆恩庶幾廣愛成肅雍之懿德罔不在初  
往服寵光益綏壽祉可

皇第十七女特封熙福公主制

大觀四年十二  
月二十八日

門下因親立愛茲以御于家邦若古有猷用特昭於禮命惟時幼女  
爰啟初封敷告治廷誕揚徽數皇第十七女口霄錫美帝室儲輝燁

彼惠心厥有成人之度温其粹質豈繫傅姆之勤屬睟日之迎辰協  
嘉名而懋寵乃消穀旦肇舉彝章視峻秩於真王主上公於同姓以  
敦天屬以厚大倫於戲考室于宣已卜簞莞之慶疏恩於漢並開湯  
沐之封既增渙於壺闈寔併宗於位叙膺茲休渥永介壽康可

皇第十八女特進壽福公主制

政和元年三月三日

門下朕丕膺純佑口洽蕃釐慶章考室之占載生女子化迪御邦之  
要必本人倫肆消吉以肇封用敷廷而孚命皇第十八女柔閑自得  
婉惠夙成惟時襁褓之初已粹英華之美珠躔挺秀寔誕降於天孫  
蘭渚酒姿過來游於帝子茲屆剪羈之旦允符設帨之祥屬來諗於  
近司用特昭於徽數協之華序錫以今名班峻秩於真王亞備儀於  
正后義敦皇緒教非民彝於戲啟脂澤之豐恩固加於親愛宜車服  
之盛德尤在於肅雍茂對龍光益諧燕譽可

皇第十九女特封順福公主制

政和元年三月二十五日

門下朕稽邦家立愛之經著皇女疏封之訓主於同姓秩茂視於真  
王錫以美名禮特隆於初命具口丕號申詔羣工皇第十九女粹岐  
嶷之姿茂柔良之質純然稟異允矣生知繼圖史之芳宜有性口之  
善養肅雍之德諒無姆教之煩庸畢協於師言口肇頒於渙渥是將  
序簪黻于位以御治朝陳金石于庭以口顯冊敦崇國體循用邦彝  
嘉乃妙齡膺茲徽數於戲周盛車服之飾所以重王姬漢優湯沐之  
恩所以尊帝女惟時舊典匪日予私尚益介於壽康以永綏於祉福  
可

慶國公主特進封韓國公主制

政和二年二月五日

門下立愛惟親所以致人倫之厚因心則友所以明天顯之恭瞻皇  
室之賢姬迺哲宗之季女禮將優於下嫁恩莫盛於增封諏叶嘉辰

誕敷徽冊慶國公主柔良自得淑慎無違夙開銀榜之祥茂毓口躔  
之粹重為楷則奚煩師氏之規居靡驕盈尤習公宮之口鴈奠甫諧  
於出御龜猶爰及於有行稽大國以相攸孰如韓樂詔治廷而錫命  
無若汝宜載穠車服之華彌重琴瑟之好以尊帝胄以侈邦榮於戲  
合姓惟寅蓋謹造端之義于歸以祉允孚元吉之中其益蹈於箴圖  
用永綏於燕譽可

皇第二十女特封口福公主制

政和三年四月十六日

門下敦愛理親將厚家邦之口設儀辨位孰先被命之崇矧誕受於  
天休式載生於女子甫臨暉日爰啟初封協以嘉辰告于列位皇第  
二十女口姿淑口秉德粹純膺璇極之儲輝遡珠躔而口口口玉  
質蚤口口口之祥茁彼蘭芽茲屆剪羈之旦颺口口口錫以寵口口  
口口之殊榮亞后儀之一等用口口口口口允口政壺之華於戲半

楚國之封口折視秩蓋口口口魯人之候館疏恩前示於嘉稱宜  
懋肅雍益口口口口口口

韓國大長公主特改封賢德懿行大長帝姬制

門下朕躬攬萬機口口口口口口制褒叙懿親率昭考之謨緝  
熙口矩口暎諸姑之重口口近屬之尊錫以豐章告于口位韓國大  
長公主性姿柔惠口稟靜專極徽數於累朝蚤敦慶口口大名於兩  
國弗口口口矧茲邦典之新式表帝族之盛載崇口口命彌厚化風於  
戲車服不繫厥夫蓋由前訓富貴弗更其守益懋遠猷往服恩榮永  
綏壽嘏可

徐國長公主特改封柔惠長帝姬制

門下朕監觀周道祇若先猷表實定名飭正循洽之陋因心廣愛肇  
頌新美之稱眷是賢姬時口同氣宜載揚於丕號用孚告於群工徐



國長公主溫惠柔明謙恭靜壹愛鍾烈考蚤承願育之慈登降勳門  
彌著肅雍之譽屬誕更於往制庸改錫於徽章考德謂宜申恩惟舊  
於戲事師於古方跨越於三王仁篤於親庶儀刑於四海尚綏福履  
無怠訓言可

陳國公主特改封淑和帝姬制

門下朕若古猷訓因時緝熙瞻口帝子之疏封尚繫侯邦之築館肆  
遵先志聿新一代之規肇舉嘉稱用宣群工之聽陳國公主柔良自  
度淑慎有儀席慶皇闈廼哲宗之愛女言歸甲族疏沁水之新封屬  
誕正於前彝宜申加於異數式昭懿行僉穆師言於戲按實定名允  
協邦圖之永因心則友彌敦天顯之恭祗服龍光永孚燕譽可

韓國公主特改封淑慎帝姬制

門下立愛惟親莫重因心之友以儀辨等孰先表實之稱眷皇室之

賢姬乃哲宗之季女適中前詔誕布新章韓國公主秉德溫良凝姿  
秀粹蚤習公宮之教柔則內融蔚為威範之華徽聲外著茲舉周家  
之制肇更漢室之封以正邦經以昭古訓於戲成緝熙之茂憲必也  
正名侈敦叙之隆恩庶幾廣愛柱叙寵渥益介壽祺可

除嘉福公主特封嘉福帝姬制

政和三年四月十五日

門下朕若古有猷紹休成訓因親立愛誕昭天性之隆以義制名式  
表帝姬之重瞻予元女鍾慶宸闈冠美號以申恩詔所廷而敷命嘉  
福公主珠躔毓粹坤掖凝輝法度生知已著言容之德柔嘉自得靡  
煩圖史之規茲肇舉於新章用丕宣於令則載崇位叙增典情文於  
戲洵美且都有穠華之盛服俾耆而艾襲壽愷之多祥勉迪徽聲以  
綏純嘏可

崇福公主特改封崇福帝姬制

門下祇奉丕圖通追先志備一朝之大典酌三代之彌文惟時帝子  
之尊尚襲王制之舊雖親之欲其貴禮務極於優隆然名之必可言  
事蓋師於古始其盼明命用誥多方榮福公主氣稟中和性鍾淑慎  
彤管有煒克遵圖史之規象服是宜允蹈珩璜之節頃稽故事誕啟  
初封秩視真王主之同姓載念循沿之弊必求訓迪之方申錫恩章  
肇新爵號以光國體以厚民風於戲雅推敦叙之仁將輔成於美化  
克懋肅雍之德其務稱於殊榮祗服訓言益綏壽祉可

安福公主特改封安福帝姬制

門下朕丕釐景命適駿先猷稽成周制作之隆正炎漢循沿之誤惟  
時懿女未易華稱雖秩視真王備存於彛訓而主以同姓徒襲於虛  
名爰即大廷誕揚字號安福公主分流銀燿挺秀金枝夙符寢簾之  
祥茂叶塗椒之慶謹珩璜之節久著柔儀行湯沐之封荐膺異數方

肇新於令典宜申錫於徽章以昭天屬之恩以厚人倫之本於戲親  
之欲貴必隆惇敘之仁名必可言尚懋肅雍之德益綏祉福茂對龍  
光可

康福公主特改封康福帝姬制

門下仁以親親蓋示明倫之本義兼貴貴宜隆辨等之儀朕爰考周  
詩仰循先訓躬裁善制釐築館之舊稱敷錫美名聳班朝之師聽康  
福公主慶鍾華禁祥發闕宮岐嶷天成居習組紉之教肅雖日就動  
無珩璜之譁茲肇舉於新章用丕宣於懿則沿情斯稱表實謂宜於  
戲位敘載崇仍視真王之秩歲圖克謹毋忘師氏之規往對茂光益  
綏多福可

崇福公主特改封崇福帝姬制

門下朕考古立制與周匹休明德睦親自家刑國惟是帝姬之貴尚

尊公館之名錫厥嘉稱用緝熙於先志渙其大號宜悖叙於我家崇  
福公主蘭茁騰芳瑜華稟粹柔閑自得靡煩傳姆之勤莊重夙成允  
發天孫之秀茲誕揚於褒典式增穆於徽稱禮命載崇寵私惟舊於  
戲穠如桃李聿瞻儀服之華佩以瓊琚彌見德音之茂尚綏介福無  
愧前脩可

昌福公主特改封昌福帝姬制

門下朕稽三代之盛隆斥百王之卑陋載惟帝女尚循外館之稱肇  
正邦經追本先皇之志爰盼渙號增賁寵名昌福公主景緯儲輝皇  
枝孕秀溫其淑質允乎珠玉之華變彼惠心蓋稟乾坤之粹茲大瘡  
於彝制用申錫於褒章恩以親隆命惟時舉以厚宮闈之慶以紹位  
叙之榮於戲曷不肅雖既弗愆於姆訓成其福祿宜永荷於天休往  
服眷私益虔率履可

宋朝大詔令集卷第三十九



天朝大詔令集卷第三十九

宋朝大詔令集卷第四十

皇女五

封拜五

行福公主特改封行福帝姬制

門下朕光膺景命寅奉丕圖稽神考之燕謀酌成周之盛典眷言懿女肇易華稱其孚號於大廷以猷告于多士行福公主分輝寶婺秀璇源迪德有常雖未即公宮之教率禮不越願已騰中壺之口載惟郡國之封蓋本漢唐之陋循沿既久口正未遑茲誕舉於徽章宜申加於茂渥以篤邦家之慶以隆父子之恩於戲必也正名既盡遵揚之義庶幾廣愛用昭惇敘之恩尚懋柔儀永綏純嘏可

徽福公主特改封徽福帝姬制

門下朕監成周之隆遵昭考之訓以口口位孰先帝女之尊以禮稱

宋朝大詔令集卷第四十

情爰舉邦彝之茂聿新厥命誕告于廷徽福公主襲慶璇源啟封襁  
褓涵姿明潤蜜瞻日月之華秉德粹溫蚤著瑛瑤之度口載頌於今  
典用敷錫於嘉稱秩視真王恩從舊數於戲有空口競益蕃宮壺之  
榮無疆惟休增侈龍光之施勉循懿範式介純禧可也  
顯福公主特改封顯福帝姬制  
門下朕丕膺令緒祇奉燕謀眷惟諸女之賢以主上公之貴雖存故  
事徒襲虛文茲誕布於宏規宜申加於顯冊顯福公主珠躔挺秀璇  
極分輝柔惠夙成瑟彼珪璋之質英華日就煜然桃李之姿頃徹初  
封式彰異數載念兩漢循公之故有慙三代制作之隆爰錫恩章肇  
新爵號以篤家邦之慶以昭教化之原於戲立愛自親朕敢忘於敦  
敘以名出信爾務稱於龍光尚懋乃猷永綏厥福可  
順福公主特改封順福帝姬制

門下朕若稽于古莫如三代之隆訓迪厥官肇正百王之謨惟時懿  
女申錫徽名爰協休辰式孚渙號順福公主璇源毓慶寶婺儲輝早  
符堯箚之祥充謹珩璜之度頃疏茂渥既徹初封主以同姓之親秩  
視真王之貴雖存故事止襲虛稱茲誕舉於宏規宜首加於異數以  
隆國體以隸民彝於戲易湯沐之封朕既丕承於先志異車服之等  
爾其益懋於柔儀往對殊休永膺多福可

柔福公主特改柔福帝姬制

門下朕董正治官緝熙先志眷惟懿女尚仍炎漢之封肇易徽稱悉  
本成周之制爰諏穀旦誕告治朝柔福公主毓秀星輝儲精潢潤柔  
嘉自得不渝圖史之規婉婉以從靡俟保阿之訓頃口口口徹初  
封秩視真王儀參正后載念熙寧之詔備口口口更制新名申  
隆異數以篤御邦之慶以增考室之祥於戲器不假人庸厚展親之

禮名以出信益隆報上之心其體至懷永綏多福可

皇第二十一女特封申福帝姬制

門下朕躬臨熙洽之期世格和平之樂既受帝祉茂膺男子之祥雖則王姬益卜家人之吉爰諏穀旦摩錫美名敷告治廷茂颺休命皇第二十一女鍾日月之明潤稟乾坤之粹純德性生知自習公宮之訓禮容自飭無煩阿保之勤甫當剪髻之辰已著成人之度動合圖書之戒未疏典冊之封是用循魯館之稱載稽周制鄙沁園之號畫革漢規眷爾柔嘉伸之福祿厥惟彛憲匪曰私恩於戲立愛惟親茲廣家邦之教以儀辨等徐觀車服之華褒對龍光永綏壽嘏可

皇第二十二女特封寧福帝姬制

政和四年五月二十

門下朕膺溥臨之命纂累洽之圖將受厥明屢協口宮之祝乃安斯

寢嗣占右旒之祥誕告治廷式孚群聽皇第二十二女濯潢流之秀疏星極之輝蚤惠夙成瑟彼英華之粹覃訥日就煜然文采之華未即教於女師已服勤於姆訓甫十旬初粹之吉侈三日剪髻之儀考圖徽章褒時縟禮異車服之節亞口口后之尊徽脂澤之封視以真王之秩用敦皇緒俾厚民風於戲王假有家方茂榮懷之慶天被爾祿永綏壽嘏之純口口口口口承燕譽可

皇第二十三女特封保福公主制

政和四年四月六日

門下立愛惟親式本御家之治以名為表莫嚴辨位之儀眷帝位之方隆嗣王姬之載育諏辰協吉敷策揚廷皇第二十三女膺筦簞之殊口蕃壺闈之顯福柔明蚤惠婉嫕夙成被穠蘭蕙之華洵美瑛瑤之度實訥異稟在傳弗勤聿當初睟之期爰舉始封之制誕昭徽數侈亞后之豐章商錫新稱協有周之舊典以尚榮懷之慶以閱敦叙之

休於戲禮重剪鷄相德容之有俶詩言衣褐飭內行以無違進席龍  
光永綏壽愷可

嘉福公帝姬特進封嘉德帝姬

政和五年四月二十八日

門下禮本於昏茲實明倫之重名以出信是惟立愛之先眷予元女  
之賢蚤即公宮之教將備脩於嘉事其商賚於豐章猷告治廷宣敷  
載冊嘉福帝姬端莊而婉懿淑慧而溫恭發祥日月之明稟異乾坤  
之正潢流席慶茲穠桃李之華倣極承顏浸服組紉之訓謹女圖而  
自飭肅珩珮以無譁議年甫迨於勝筭揆德克閑於執盥比求良席  
爰得勳門載消請吉之期盡具納成之典肇疏園之寵既參榆翟之  
輝光築館之行宜大粉田之渥仰惟前代于棗民彝肆啟命字之嚴  
畫黜裂封之陋申盼顯號用相柔儀於戲致棗栗之虔往迪家人之  
吉視衿擊之戒毋忘宗事之脩其益懋於言容以永綏於壽祉可

皇第二十四女特封榮福帝姬

政和五年九月十一日

門下上天之載有蕃傳類之休女子之祥嗣協冝家之吉將誕敷於  
顯祚其順考於豐章消選剛辰式孚列辟皇第二十四女稟令儀之  
靜婉躬柔度之端良設悅於門蚤襲椒塗之懿載衣之裼具昭篋寢  
之華德容發于震風之初惠問成于覃訏之始變彼潢流之秀煜然  
天紀之輝方卜口於保阿已弗勤於傳御三月之末爰當翦髻之期  
九十其儀用兆結縭之祀商錫王姬之制允釐公館之稱表實定名  
設儀序位佩之帶珎等異數於真王錫以乘車亞祓威於正后則篤  
其慶永孚于休於戲古我先王時若棗民之化有齊季女克成治內  
之風尚勉蹈子徽猷思輔成于淑質往綏燕譽以介壽臧可

榮福帝姬特進封榮德帝姬

政和六年二月二十三日

門下朕仰惟前代若昔大猷重嘉禮以厚人倫為國始本雖王姬而

執婦道作民乎先名既正於疏封恩亦隆於築館誕揚明冊播告庶  
工榮福帝姬淑性惠溫柔度燕婉華穠桃李質粹瓊瑤保傳不勤幼  
而循國史之戒組紉既習長則有家室之歸維昏姻之及時實風化  
之正始逮茲下嫁豈曰貴驕真鴈甫期知龜筮之協告施衿示訓親  
與饋以教恭車服有行典章增貴我圖懿範更錫美稱用昭慈愛之  
懷肆顯肅雖之德師言維穆庭渙匪私於戲化行周南朕則釐女士  
而以道貴惟帝子爾其循法度以宜家永保令儀自膺慶譽可

崇福帝姬特進封崇德帝姬制

宣和二年五月二十八日

門下周適王姬於諸侯首論肅雖之德唐尚公主於五品間行盟饋  
之儀眷予季女之賢將有勳門之降宜昭寵數用告薦神崇福帝姬  
發叢霄璿玉之祥分寶宿天孫之慶靜專出於德性婉孌茂於天安  
間閱詩書雅有宮庭之訓自知紡績不煩傳姆之勤桃李之華而婦

以時條梅有實而迨其吉瑟琴靜好宜其家人鳳凰和鳴予得吉卜  
延考始筭之故事有光外館之攸行寵申帝女之封貴比真王之秩  
結衿鞶而既戒當遠去於親闈躬蘋藻以薦羞尚恪修於婦事於戲  
毋以貴而廢舅姑之恭順毋以富而忘孺軸之艱難館陶求即上之  
有請謁之戒寶主踰制下之有奢靡之譏能迪予言則為爾福可

皇第二十九女封令福帝姬制

宣和

門下受祉而施于子有開女夢之祥立愛而始于家克迪民彝之厚  
朕荷天右序錫祚熾昌聿生姬德之音實衍邦祺之盛宜乎詔號用  
告朝紳皇第二十九女毓粹星潢承休霄極蘊微柔之則襲芬潤於  
芳蘭擢岐嶷之姿敷秀華於穠李將惠姆師之淑訓寢昭壺室之令  
儀朕惟有天下者務親其親為人父者必幼吾幼爰侈占蛇之慶載  
為剪髻之容假太龜之神肆消差於穀旦佩辟邪之綬迺高眷於嘉



名式隆天性之息以正人倫之本於戲詩著國風之義德專美於庸  
雖禮存內則之言教莫先於婉婉永綏壽嘏益協榮懷可

皇第三十女特封華福帝姬制

門下考室占女子之祥載美蕃昌之盛唐口喻王姬之德亶昭徽美  
之聲仰帝極之申休玩坤元而得索協稽舊典誕舉茂恩揆以剛辰  
告于外寢皇第三十女分輝寶婺毓秀仙源亶聰慧以性成鍾靜柔  
而敏達瑤瑛溫潤蘊四德以中存桃李穠華稱六珈而口口俯屆十  
旬之晬將嚴右鬢之儀備展情文具形憲度朕方受天多祐流祚無  
疆則百斯男正顯本支之盛有齊季女允諧千億之詵爰因幼幼之  
慈式厚親親之惠商嘉名而口實煥新禮以增榮物陳亞后之崇秩  
等真王之峻以增皇緒以輔民彝於戲象服是宜勉慎言容之習彤  
管有煒務遵國訓之規益介壽祺永光懿範可

皇第三十一女特封慶福帝姬制

門下朕端眷命於璿霄縣鴻休於寶緒乃生女子行流祚類之昌以  
明人倫宏闡化風之穆推御邦而厚本敘施德以疏榮登告羣工丕  
揚顯冊皇第三十一女韶姿夙茂懿度天成設帳於門應享占於虺  
夢載衣之裼稱柔飾於鞶絲變彼惠溫華然淑秀如習公宮之範靡  
煩傳姆之規外館重嘉已兆結縞之始午羈謹晬先陳剪鬢之文酌  
漢朝帝女之封攷周室王姬之號車服異等備參榆翟之華湯沐多  
祖大啟粉田之渥以名為表立愛惟親綏其福履之光侈乃室家之  
慶蓋循彝憲豈曰私恩於戲教婉婉以字筭其寢承於令訓執肅雖  
而成德尚終迪於芳猷永對渥慈益膺繁祉可

昌福帝姬特進封成德帝姬制

宣和五年  
六月四日

門下正男女以合二姓之速聿時循於嘉事因父子以惇九族之愛

用疇協於彝章朕仰承上帝之休衍有公宮之懿比拂邇而得吉將  
執盥以教恭乎告治朝誕揚顯冊昌福帝姬柔明遠識溫惠令資儲  
輝寶婺之躔肖靜坤輿之體言容無淑穠如唐棣之華法度有持動  
成佩玉之徽少而飭組紉之事長則奉圖史之規靡由在姆之勤蓋  
稟自天之美議年斯及於禮有行乃卜慶門肇新外館詩陳下於正  
后煥其車服之儀史載主以上公黜彼情文之陋視真王則親之欲  
其貴著成德則名之必可言商此微稱蔚為異數於戲內和理而家  
可久宜思戴氏之經幼習貫而性自然無替賈生之說惟衿髻是戒  
惟蘋藻是循副予慈懷綏爾壽履可

雜詔

公主行舅姑禮詔

治平二年  
二月壬辰

朕嘗恃先帝左右恭聞德音以本朝舊制士大夫之子有尚帝女者

輒皆升行以避舅姑之尊習行既久義甚無謂朕常念此寤寐不平  
豈可以富貴之故屈人倫長幼之序也可詔有司革之以厲風俗朕  
開喻之始欽仰稱歎至于再三不幸先帝後嬰疾疹其議中寢朕躬  
承遺旨敢不遂行中書門下議降詔有司以茲揚先帝盛德詔曰蓋  
聖人制禮造端乎夫婦所以正人倫先王立教莫善於孝悌所以厚  
風俗王姬下降舊典有儀其於舅姑當行盥饋然歷代相沿習為衿  
汰至於亂昭穆之序廢長幼之節是為作法於涼何以使民先皇帝  
暇日嘗以為言欲加申飭俾成禮順旋屬違裕未遑著于令也未予  
冲眖肇服休命德音在耳曷敢昏逾率循大卞蓋先遺志豈曰善繼  
用彰我昭考垂憲足以貽謀後世者其體茲旨令有司崇典禮奉行  
仍令陳國長公主行舅姑之禮王師約更不升行

改公主名稱御筆手詔

比覽神考實錄在熙寧初有詔釐改公主郡縣主名稱當時群臣不克奉承以至於今比詔有司祇若先志循沿既久莫能董正稽考前王周稱王姬見於詩雅姬雖周姓法古立制宜莫如周今帝天下而以王封臣可改公主為帝姬郡主為宗姬縣主為族姬仍以美名二字易其國號內兩國者以四字

降黜

皇女充國公主降封沂國公主制

嘉慶七年二月壬子

陳車服之等所以見王姬之尊啟脂澤之封所以昭帝女之寵茲唯親愛之攸屬時乃化風之所關與不能安諧於厥家則何以觀示於流俗充國公主生而甚惠朕所鍾愛故於外家之親以求副車之配而保傳無狀閨門失歡歷年于茲生事弗順達於聞聽深所駭然雖恩義之常人所難斷至於賞罰之際朕安敢私宜告大廷降徙下國

於戲爾惟肅雍以成德美惟柔順以輯令名及其恪思庶承來福可降封沂國公主

贈典

皇妹故道士七公主仍賜號號清虛靈昭大師賜紫法名志

沖制

門下先親立愛有國之彝章滲澤漏泉飭終之厚禮載優贈卹之典用推惇叙之恩皇妹故道士七公主寶婺分輝天枝發秀夙稟柔嘉之質迥懷詰惠之心爰自妙齡即依道範遽宿仙而長往俄早世以纏悲歲筭屢更音容永謝宜舉追褒之命庶申軫悼之懷賦邑脂田特開於大國徽名懿號並法於真都尚冀營魂歆茲異數可特追封衛國長公主仍賜號清虛靈昭大師賜紫法名志沖仍令所司擇日備禮冊命主者施行

故蜀國長公主追封越國長公主賜諡賢惠制

勅生有封爵之榮歿有贈祿之寵迺國常典施諸貴近况在先帝之中女寔朕同氣之至親奄忽淪亡可無褒卹某少而蘊慧淑之資弗勤於保傅長而成肅雍之美是宜於室家車服亞王后而贈輝國邑視公侯而不侈朕嘉乃淑德茂乃懿範將極寵數以熙長樂之愛不幸嬰疹夭于盛年悲動慈闈痛均手足不有追賚曷紓朕懷茲用申勅有司擇壤地之大者莫如越以加汝封稽參諡法明德有誠之謂賢柔質慈仁之謂惠以易汝名庶幾休聲可詔世汝有知也尚克歆承可

故魯國大長公主賜諡賢懿追封荆國大長公主制

勅先王制禮文以稱情永惟貴主之尊奄及追命之際興言痛悼用賚諸幽其位生有令儀席慶皇祖肅雍之美協於聲詩遭命不淑以

至大故蓋王姬之車服下后一等而不繫其夫其位高者其享厚其情至者其文緝貴貴親親之義也改封大國被以休名歿而有知尚克膺此可

越國賢惠長公主追封大長公主制

勅王姬之貴而能執婦道以成肅雍之美朕嘗聞召南唐棣之詩矣永惟皇祖之慶篤生淑女之賢賦命不融中道而沒哀榮之典茲何敢忘故越國賢惠長公主襲寵宮庭生知禮義儀降王后有車服之榮德配君子稱室家之懿逮茲享帝之澤推余尊祖之誠大長之稱寵榮斯極追錫成命以賚九泉

神宗第九女贈蔡國長公主追封兗國長公主制

勅王者惇同氣之戚厚追往之恩豈獨致親親之私所以風示四方助成世教也神宗皇帝第九女贈蔡國長公主鍾祖宗之慶襲神明

之胄貴為帝子蚤慧風成方奉宮闈之懽未膺車服之寵奄先物化  
寢歷歲時朕纂服之初裝斃在疚手足之愛尚慰予心爾生不辰墓  
木已拱想念疇昔音容邈然申錫密章進荒大國庶幾寔宥識此哀  
榮可

故燕國長公主追封唐國長公主賜謚賢穆制

朕惇叙天倫興崇孝治永念昭考篤生淑女之賢載惟眇躬實深同  
氣之愛遽聞告終之計敢忘追卹之恩故燕國長公主稟資柔明毓  
德專靜蚤合勳門之好率循婦職之恭雖脂澤之封蚤視真王之秩  
而車服之等靡矜貴主之尊言常協於箴規事必稽於國史謂膺上  
壽永鞏繁禧何期盛年奄至大故宜極哀榮之典用伸痛悼之懷陟  
旒名邦仍錫美謚冥靈弗昧寵渥是歌可特追封唐國長公主賜謚  
賢穆

故熙福公主追封華國公主制

先王立愛以隆親莫先於天性君子緣情而制禮豈若於恩章眷予  
幼女之姿並毓靈源之粹宜膺壽祉忽遘淪亡爰加贈飾之章庸示  
褒榮之典故熙福公主穠華日茂慧淑性成年未及笄已久流於芳  
譽命有所制嗟奄奪於妙齡肆追錫於愍書用曲伸於慈念胙之名  
國啟以新封爾尚不忘歆此徽數可特追封華國公主

晉國長公主不起罷承天節上壽詔

大中祥符二年十二月辛巳

惟妹之親愛均於同氣終天之訣哀切於深衷屬以誕節屆辰庶邦  
畢會有司獻議願罷樂懸在於朕心亦所未忍俾停展禮用表追懷  
其日羣臣上壽宜令權罷

宋朝大詔令集卷第四十

宋明大詔令集卷第四十一  
其日數月土嘉且今對眾  
畢會百口殫精誠願樂讓其位以  
即執之朕愛國深同原故天之  
晉國其公王不致罪者天  
因茲以博徒爾自不致婚  
譽命百世傳其德於後世  
黃帝之典始創於世  
明女之德也  
夫三王受命  
姑淵詠公王並授華國公王傳

其日數月土嘉且今對眾  
畢會百口殫精誠願樂讓其位以  
即執之朕愛國深同原故天之  
晉國其公王不致罪者天  
因茲以博徒爾自不致婚  
譽命百世傳其德於後世  
黃帝之典始創於世  
明女之德也  
夫三王受命  
姑淵詠公王並授華國公王傳

宋朝大詔令集卷第四十一

宗室一

進拜一

門下親皇叔德文忠武軍節度使加恩制

門下服仰紹鴻烈惟懷永圖每糾宗族之恩疇先伯叔之懿用推厥  
愛以展予親具官德文道與粹和天畀宗謹有言而踐百行含章而  
暢四肢早建將牙兼務台鉉邦洽斯譽神勞以祥歲艾而精明不衰  
爵隆而悔吝彌遠比詢朝論已啓王封尚圖又勞更膺異獎改疏假  
璧之與進服溫昭之華仍廣轅疇以大祖入於戲脩人道之睦我惟  
博叙閱天下之理爾實老成益靈翰垣參重宗授秉德陪義是惟顯  
哉可具官德文忠武軍節度使加恩制

門下禮重祭膳寵伯仲之國詩標常棣廣親族之愛稽古敦睦朕能  
行之具官某跪令而周志和而立懿作休德奮為嘉猷早秉中權之  
雄復正大宗之領協我公姓光於前人間侍郊宮參獻彝瓚服攸箴  
而惟謹攝爾儀而因愆向者已徇朝言特疏王爵載惟褒渥尚懃成  
勞俾眎秋於台階且仍華於將闔優實多戶併示隆恩於戲武穆文  
昭其流斯遠元戎茂宰注意所兼爾其浚明日攷蹈道時敏欽助予  
治丕續膚功可

門下朕惟一二兄弟屏扞吾家每推骨肉之愛以強本根之託矧在  
爾屬早休厥聲適及剛辰進膺異數具官允弼甚德而度參仁以和  
居貴而罔流心訓恭而遠祇悔間陪郊獻佐庀宗司抑抑攸儀舉皆  
率履綽綽斯裕內無違言成於叙親時乃修職比者雖疏王爵未厭  
寵名宜停後務之煩俾領元戎之制增食爰賦兼實幹封於戲磐石  
而宗寄莫重焉扞城於國義莫先焉何壯非猷何順非迪仍暢折衝  
之遠姑隆綏族之恩往惟懋哉顯對嘉命可

皇弟允良安德軍節度使加恩制

門下克惇茂族於變時雍周建懿親時庸展愛朕參式先憲褒序吾  
宗僉同公言誕舉恩冊具官允良氣韶質美馮信厚之餘體和履順  
遠冲孺之習早經留務常止上都以爾考有叔父之尊帝室之屏勛  
昭彝器慶裕後昆向嘉冢嫡之承已疇王爵之顯斷自予志申付節  
旒因見官儀衍實封社於戲古有謨訓汝其念聞夫寵不期驕而驕  
從謙不待益而益務脩也可以思永慎也可以寡尤移孝圖忠欽服  
茲命飭躬靖位毋即爾藩可

皇弟允迪安靜軍節度使加恩制

門下朕聞立愛莫先於親繁支實庇其本每念攸訓匪伊異人用推  
惇序之仁期光夾輔之體具官允迪承燾天祐衍慶宸享舉動嚴方  
趨尚閑敏思長富貴之守寢安朝夕之虔向留使華允穆公路頃以  
王卽祖謝予懷悼驚念其堂構眷深喬梓義重維城有寄墨經還朝  
載隆近屬之恩俾領中軍之節仍增邑食且實戶封於戲乃考之忠  
勛四邦是式乃兄之光寵十乘有儀爾偕厥榮毋或茲怠欽即殊獎  
祇勵厥猷可

皇弟允良加恩制 郊祀

門下朕率祖宗之常謹郊廟之饗迎日消選薰燎告成衍三靈之歡  
豫肆萬民之慶昔既飲其至因賚爾勞矧一二兄弟之親參陪夙夜  
之恪宜緝恩典以寵懿藩具官允良履尚詳華機采明悟世不忘於  
濟美孝乃移於事君王社以先帥節云重向因侍祀彌見恊恭闡然

陽氣之休禱如盛服之美我禮尤具惟神克歆特緣瞻昨之頌首萬  
鄂附之愛進加功號魚拓爰封且詢中石之規更增多戶之實於戲  
自天介祀既輯於上儀為國懋能敢私於同姓往祇異數勤劬壯猷  
可

皇弟允良特授特進依前檢校司空同中書門下平章事

華原郡王充奉寧軍節度使加恩制

嘉祐元年恭謝

朕浴康復之慶薦昭報之忱合祀乾祇大陳牲玉光期被乎路寢申  
詔約乎園立禮文昭明儀體簡大既執量幣獲侑祖宗之靈復因祭  
膳以親兄弟之國蓋合揚於貺施用均布於福釐矧克之變時雍始  
於睦族而周之厚民德繇厥睦親式是仁恩揚茲慶號具官某資質  
淑茂體行端莊令問夙昭善猷允履威藩云建使節是持按圖所封  
載擇膏腴之地班槐就列兼崇台宰之儀入侍齋祠居奉朝請有莊



恪之敏得肅雍之稱朕享告成爾庸惟穆既飲斯至乃澤厥勞鄭伯  
列於鄭郊滕侯先於異姓班茲盛策進以崇階仍增井牧之封益寵  
雲臺之號並為異數用洽至恩於戲訖是上儀布茲大喜羣士庶伊  
既國典之是孚至戚密親在家情之允洽益慎爾德以對厥休可

皇弟允初建節制嘉祐五年以前五月二十八日

門下爵賞當功則為善之勸廣名器不假則至公之道存然而隆恩  
睦親所以厚乎風俗建侯作屏所以扞於王家非余敢私乃國舊典  
具官允初質性純茂稟乎天資學問發明由於師訓惟我叔父時為  
賢王緬懷遺烈之存屬乃克家之善自被蕃宣之寄久參朝請之聯  
宜從留務之繁進委臨戎之重節旄並建井賦兼增僉謀克諧寵數  
惟渥於戲干戈衛社內有宣勤夙夜之臣甲冑在躬外有奮力行伍  
之將爾其念宴安之懷毒知富貴之難居戒損于滿而固敢自驕勞

身以謙而克保其位無忘勉勵徃服恩榮可特授依前檢校尚書右  
僕射使持節耀州諸州事耀州刺史兼御史大夫充感德軍節度使  
州管内觀察處置等使仍加食邑七百戶食實封二百戶散官勳封  
如故王者施行

皇弟允初特授特進依前檢校尚書右僕射兼御史大夫

感德軍節度使加恩制嘉祐四年

百世必祀德厚者流光三歲乃給文繁則禮縟朕訓四海之孝合七  
世之靈因時永懷備物親享祲容策若寶鎮在焉來九服之朝用六  
代之樂於時藩岳伯舅二三弟兄助祭在茲侍祠有恪嘉享云究慶  
賜遂行具官某體韻詳和性質淳固本賢王之後資聖源之先遙制  
侯藩委高牙之重宿留京邸奉介圭之朝能纂善猷綽有淑問自惇  
宗之講祀絲奉常以肆儀結佩入齋展軫從蹕清廟在望極駿奔之

恭朱芾侍祠有肅雍之美朕以皇祖右饗大噉告慈熙事脩成景福  
來格還衡肆音進律疇庸乃眷戚藩益開土宇仍進表功之號更陞  
躡等之階恩禮之隆固先於異姓名數之懋滋表於辰親於戲承積  
累之祥膺節制之重齋祠口奉靈寵荐加益慎爾猷往服朕命  
皇元光弼依前檢校尚書右僕射充寧國軍節度使同中  
書門下平章事北海郡王加恩制  
嘉祐四年  
門下稽若先生制茲大祿謂四時之常祭未極孝思約一閏之小成  
誕為精厚朕詳案舊禮考卜孟冬駕言屬車登享祖廟行踐朝之禮  
歌長發之章惟時親賢豫我祠祀盡肅雍之美同悽愴之懷亦既解  
嚴宜有褒賞用敷渥典式告大廷具官某地則茂親時惟明德繫二  
南之化躬兩漢之風表儀王家有嚴重之質導訓宗子得祇穆之和  
兼徽台司開賦王社宿邱彌謹奉朝滋恭而自先甲肇禮中嚴始事

率郇滕之諸國逮魯衛之密親侍齋幄之深從昭鑿之近太室戾止  
廣樂繹如奉亞裸之升極其恭志正赤舄之履亶無流心祖宗格思  
祝嘏告止歆乃孝享賜朕祥釐膳肉是頒用先兄弟之愛芳酒斯舉  
以澤公侯之勤優衍采田益疇真食仍加功號之美並昭名數之華  
國典攸宜家情允洽於戲同寅恤祀既獲無疆之休夾輔慎徽益保  
有終之吉往欽厥命永孚于休

宗實起復依前右衛大將軍泰州防禦使知宗正寺制

七年十月  
壬辰

先王糾合宗族而分職以治之所以嚴宗廟宗廟嚴則禮俗成天下  
治其事豈可輕哉皇姪右衛大將軍岳州團練使宗實惠仁孝恭忠  
信純篤故遷厥位以脩予宗正之官亦先王浩親之意也士之欲施  
於政未有不學而能者學所以脩身也身修則無不治矣朕言惟服

爾往懋哉可起復依前右衛大將軍泰州防禦使知宗正寺

皇叔允良檢校太保兼中書令泰寧軍節度使襄陽郡王

加恩嘉祐八年四月十日吳宗即位

門下朕以耿躬奉承鴻緒在哀荒之國極方震悼以交深然以慶澤

之行國體惟舊悖叙之典王政所先乃眷親賢首加恩禮載洎吉旦

誕告治延皇叔推誠保順同德亮節守正翊戴功臣彰信軍節度曹

州管内觀察處置等使開府儀同三司檢校司空兼侍中使持節曹

州諸軍事行曹州刺史上柱國華原郡王食邑一萬二千七百戶食

實封肆千戶允良臨信厚之姿席本支之慶樂於為善貴而無驕粵

自先朝夙膺異數位尊王爵地重威藩榮兼齋鉞之雄進服溫貂之

貴屬纂承之伊始宜尊顯之有加是用極令品於西臺易節旄於東

魯首芋建社據襄沔之雄論道經邦視保空之重仍加真食增衍戶

封併示寵休務隆褒渥於戲神器之重方愧於傳歸磐石之隆更資

於夾輔永綏厥位不其感歎可

宋朝大詔令集卷第四十一

宋史大詔令集卷第四十二  
德軍節度使加恩制  
嘉祐八年四月十二日

宋朝大詔令集卷第四十二

宗室二

封拜二

皇叔允初開府儀同三司檢校司空同中書門下平章事感  
德軍節度使加恩制

嘉祐八年四月十二日

門下承祧繼體所以正神器之傳建屏疏封所以隆磐石之故興言  
涼德獲奉丕基矧踐祚之始初有推恩之典故盍申孚號庸示眷私  
皇叔推誠保順守正翊戴功臣感德軍節度耀州管内觀察處置等  
使特進檢校尚書右僕射使持節鄜州諸軍行軍州刺史兼御史  
大夫上柱國天水郡開國公食邑六千九百戶食實封一千八百戶  
允初時之懿親屬在仲父淳固之性得之自然明清厥修介乎無撓  
惟先帝之甚愛在冲人而敢忘改領軍麾升服公衮進階遷秩陪賦

衍封於戲藐爾孤莸未堪多難尚茲信睦於變時雍惟宗吳彌懋於  
遠猷庶前烈愈光於來裔可固之烈也自茲而後無不  
大夫之封皇伯允弼檢校司徒兼中書令護國軍節度使東平郡王  
門下國家膺累聖之圖啟中天之運重惟菲德之嗣惕若先猷之承  
仁恩滲于萬方親厚始於九族有如伯父實曰賢王宜因涓日之嘉  
誕布告度之渙皇伯推誠保順同德亮節守正翊戴功臣武寧軍節  
度徐州管內觀察處置等使開府儀同三司檢校尚書左僕射兼侍  
中行徐州大都督府長史上柱國北海郡王食邑一萬四千戶食實  
封三千八百戶允弼氣和而履順資正而行恭源流發於天淵本支  
茂於邦幹推河間之學務勤詩禮之間昭宣父之言思長富貴之守  
服我文考冠於內朝以宣夾輔之勤以董宗盟之事帥壇命節既專

仗鉞之行帝蹕陪輿又寵冠蟬之飾肆紹休於丕緒首旌德於茂親  
進階右相之尊視秩三卿之貴尹虞郊之舊俗裂汶土之奧封益以  
爰田衍之真賦褒隆邦錫美協師謀於戲念祖宗之基固起艱難之  
迹維骨肉之分敢忘敦睦之懷勉迪順猷永綏多福可

皇伯允弼授依前東平郡王加食邑實封賜功臣制

治平

門下朕秉初陽之序建大祀之儀親祫粢圭始見清廟夙駕齋輅摩  
禋紫營有昊博臨賜朕純嘏於時日景溫霽坤倪肅清遠燭熙事之  
成敢後茂親之獎皇伯具官某性端謙忠體函忠醇丕擁皇支之祥  
倬為藩戚之表董我宗正爰惇叙族之賢昨之東平蓋符樂善之美  
此先帝之加遇而冲人之用欽會華王之展祠被溫貂而在位未有  
神明接而福莫享親賢隆而教靡尊是用孚慶第勞褒功錫號疇其  
多邑衍以真祖萃為寵章以渙惠術於戲躬天地之報既靡靈顧之

私廣骨肉之恩用篤人倫之愛往綏吉祿永懋休聲可  
宗僕除使相制 治平四年五月庚子

朕膺符赤伏之靈繼序炎精之烈圖本支之盤據倚形勢之扶維繫  
我宗藩推尊帝室雖懋帥旄之寵未參公衮之華孚告大廷誕敷顯  
命皇伯彰德軍節度相州管内觀察處置等使金紫光祿大夫檢校  
右散騎常侍使持節相州諸軍事相州刺史兼御史大夫上柱國濮  
國公食邑三千四百戶食實封六百戶宗樸器涵庶靜德履端純聳  
雋望以高騫奮雅才而獨秀玉符傳瑞拜之上將之壇金輅啓封昨  
以先王之國載涓剛日特峻彝儀秩兼揆路之榮位協宰廷之貴衍  
疏真實增煥隆名於戲盟載冊書尚推同姓之長賜均寶玉况如伯  
父之尊立愛自親承流及遠揚成美化勉著休聲可特授檢校尚書  
左僕射同中書門下平章事使持節相州諸軍事相州刺史濮國公

充彰德軍節度相州管内觀察處置等使加食邑七百戶食實封三  
百戶

皇伯祖承亮授檢校工部尚書榮國公感德軍節度使加  
食邑實封制

門下蓋周興建土遂膺年麻之長秦失罷侯靡復藩維之援此國家  
所以監用往制封崇茂姻以夾輔於王家以懷柔於天下肆膺皇緒  
渙舉丕彝皇伯祖具官某躬耆德之英被忠訓之厚曾無車服珍寶  
之玩固有詩書道術之明稽帝堯之仁疇光骨肉之愛顧秦悼之後  
不減祖宗之蕃自居留務之榮浸廣皇支之譽按戊午之新澤合南  
陽之近親華萼承蚺旌樂和於列邸犬牙交壤寄雄峻於帥旄旣衍  
爰田之封又陪真食之入助建大統圖繫老成於戲積厚者流長雖  
本神明之祚德隆者爵重况如宗族之賢均履多祥勉欽渥命可

皇伯宗諤授光祿大夫檢校尚書左僕射同中書門下平  
章事統國公集慶軍節度使加食邑實封制神宗即位  
門下朕纂臨丕基欽篤前烈蓋義尊序祖愛因隆於六親治刑於家  
風遂行於四海通緣曠澤先暨皇支皇伯具官某罷介而用通體莊  
而資裕多裕天下之誼盡讀河間之書考潤邸之藩誰及宗英之望  
追濮園之舊實猶子愛之深比旌拜於師壇允夾隆於王室慶屬皇  
圖之啓慮加同姓之褒其服大僚以即台路易以近藩之節陪之多  
邑之附雖本異恩亦稽先矩於戲唐封近屬悉留京師之居漢寵諸  
王少在公卿之列維是高華之保莫如法度之脩矧屬英懷詎煩至  
戒可

皇伯宗樸授光祿大夫依前檢校尚書左僕射同中書門  
下平章事充彰德軍節度使加食邑功臣制熙寧郊

門下郊廟大事也禮莫盛於躬行天地一功也義蓋尊於合祀朕盡  
奉先之孝嚴反始之文既獲能饗之名以要三神之顧又膺無窮之  
祉以決四海之歡矧我茂親敢稽渙命皇伯具官某德莊而氣粹性  
靖而量夷系出帝者之本支多閱天下之義理慕二獻之學自樂詩  
書之聞聯三事之榮靡務富貴之守屬至景之乘序即園丘而告裡  
績佩無諱夙助齋居之恪明壘致潔屢陪獻禮之升維釐事之肅成  
方勞恩之誕舉雖無崇鼎分器之錫亦有濮田多井之加既益號於  
功臣復進階於文散以華邦族以變民雍於戲聖人因親必廣同宗  
之愛賢者奉祭宜蒙百順之休其迪善猷永有吉祿可  
皇伯宗旦除崇信軍節度使制熙寧二年九月  
舜叙九族之親實先慎厚周封同姓之國遂底威疆眷言近屬之尊  
稽用前王之故庸加優拜誕告治朝皇伯鎮潼軍節度使觀察留後

金紫光祿大夫檢校右散騎常侍使持節華州諸軍事華州刺史兼御史大夫知大宗正事上柱國天水郡開國公食邑五千一百戶食實封一千七百戶宗旦德度甚夷才資兼茂襲世緒而克篤其慶處貴胄而不流厥心而自表正宗藩居留後鎮閱天下之理益為精明推門內之恩見稱友睦爰舉陟明之典遂旌樂善之風自漢以東惟隨為大錫之瑞節衍以真封考于舊章時曰異數於戲益戒者處寵之道鮮失者惟約為然往其欽哉以永終譽可持授依前檢校右散騎常侍使持節隨州諸軍事隨州刺史兼御史大夫知大宗正事崇信軍節度隨州管內觀察處置等使加食邑七百戶食實封二百戶

皇伯祖承亮特授依前檢校工部尚書充感德軍節度使

奉詔

改封恭國公餘如故制

熙寧三年六月十八日

門下國家世承燕謀天祚明德乃眷祖宗之裔未正封爵之科豈朕

所以上隆尊統之風下形惇族之愛肆考厥典載謀有司其盼顯冊之書以孚羣位之聽皇伯祖推誠保順功臣感德軍節度使耀州管內觀察處置等使金紫光祿大夫檢校工部尚書使持節耀州諸軍事耀州刺史兼御史大夫上柱國榮國公食邑八千四百戶食實封二千六百戶承亮廣陵之嗣昭武之孫系出帝者之本支多閱天下之義理安處樂善匪車服能侈其心夙興奉朝雖風雨不渝其節故宗族仰其循則神明相之高年屬崇建於近親方按求於故壤自隴而右奄有土疆之長如麟之時更旌信厚之履以應古之遺法以率民於至仁於戲廣同姓之封大為屏藩之固觀盛德之世永保子孫之休益茂英猷尚對嘉命可

皇伯從式保康軍節度使制

熙寧四年七月乙酉

分王于國周以廣同姓之恩設壇於軍漢以優上將之禮朕惇叙天



屬儀圖考成稽用龜猷之良眷言麟應之厚誕膺褒典播告治廷皇  
伯彰化軍節度觀察留後金紫光祿大夫檢校右散騎常侍使持節  
涇州諸軍事涇州刺史兼御史大夫上柱國安定郡王食邑五千五  
百戶食實封二千四百戶從式經哲彛彛體和履順閱義理之衆忱  
恂自得於性資奉法度之中奇衷不接於心術御推朝渙奄徹王封  
載惟使務之留未侈宗支之寵宜崇異數越進元戎服授鉞之揮華  
增直茅之顯重敦加井賦衍食戶租於戲懷王業之艱永荷祖宗之  
烈念藩翼之衛實賴伯叔之賢維圖壯猷迄稱休命可特授依前檢  
校右散騎常侍使持節房州諸軍事房州刺史兼御史大夫安定郡  
王充保康軍節度房州管内觀察處置等使加食邑七百戶食實封  
二百戶

皇伯祖允弼授依前北海郡王加食邑實封功臣制

熙寧宗祀

門下朕肅膺駿命懋述先猷思所以廣嚴父之孝昭事神之道而合  
宮寢制太微寓饗且皇祐之議猶參百靈之從故辛亥之獻獨尊上  
帝之配相我大事時惟茂親休有寵章格於公聽具官某性資英邁  
檢履淳固天發神明之裔世資忠厚之德每伏謁禁朝還休燕室進  
退亦有常處紛華而無留心考公子之詩既協閔睢之應受王者之  
社遂荒徐郊之封維先甲大禋大宗量屬鳴佩結玉以深齋戒之思  
重觴薦席又陪陟降之恪至精以來神聽強立以莠禮成詳稽陟典  
之常表錫功號之美昨之多邑衍之真賦且明宗周異姓之後兼懋  
帝堯九族之和於戲福祿之臨有若周陵之固急難之儆莫如兄弟  
之懷茲庸展親其徃迪訓可



門下法始於貴所以啟馭於羣臣恩展於親所以敦叙於九族眷惟伯父右我王家方授鉞以率官宜告廷而發號皇伯推誠保順功臣降授彰化軍節度觀察留後光祿大夫檢校右散騎常侍持節涇州諸軍事涇州刺史兼御史大夫知大宗正事上柱國天水郡開國公食邑七千二百戶食實封二千五百戶宗旦誠悅莊厚肅哲粹和躬忠義不疲之資履爵齒兼尊之寵游分帥間沒行并封隱若翰藩外以承寧於方鎮端如圭表內以糾正於宗支絲狂孽之千誅絀典刑而褫服屬更肆音首用疏榮俾還西將之嚴載撫東隨之舊齋旄故在詔綽惟新於戲築骨肉之恩式孚於朕志長富貴之守當慎於爾終徃肩寵光以永終譽可

皇伯祖承選特授依前檢校工部尚書充保大軍節度使加食邑食實封餘如故

熙寧十年二月二日

門下帝克睦族將以變黎民之和成周尚親蓋以禦外侮之至永惟列聖之矩參用先王之模崇建宗枝收功於作扞之際付畀齋鉞厥難於未然之前肇臨頒命之辰播告在廷之聽皇伯祖彰武軍節度觀察留後金紫光祿大夫檢校工部尚書使持節延州諸軍事延州刺史兼御史大夫上柱國開國公實邑七千一百戶食實封二千六百戶承選罷閔而識遠體莊而用周衷術學以裕具心斥玩好以抗其志承賢王之後早聞善繼之聲處留務之榮洎無負責之累終始一節周全十年宜旌拜於將壇用嚴莊於帥律既衍爰因之入又陪真戶之輸維嘉老成茲茂寵數於戲爵以德授寧資汗馬之勞國以宗強實賴擁旄之輔祇膺珠渥益懋壯猷可

熙寧十年二月二日

門下國家若稽先王統御重器觀舜族之睦則廣敦叙之仁念周京  
之強則崇屏翰之勢故能宴衍而德澤洽維持而王功成渙發至恩  
誕敷羣聽皇伯淮康軍節度觀察留後金紫光祿大夫檢校右散騎  
常侍使持節蔡州諸軍事蔡州刺史兼御史大夫上柱國天水郡開  
國公食邑四千五百戶食實封一千五百戶宗誼智慮膚敏器懷閑  
深樂詩書浩博之求斤輿服侈靡之好逮事先帝已竣康車之榮暨  
予冲人進膺劉務之拜信厚一節歲華十周乃眷宣勞之多未加褒  
禮之渥宜圖茂烈稽合陝文轉淮西之旌旗揔漢陰之節鉞既衍爰  
田之入復陪真戶之輸併疏寵光庸示優異於戲禮重伯父蓋推宗  
屬之賢史美宗英實首多聞之學勉蹈前績以迪吉祥可

皇伯祖承裕特授依前檢校工部尚書充寧武軍節度使加  
食邑食實封散官勳封如故制

熙寧十年八月一日

奉天宮中書省

門下教民睦者莫如宗族之愛安王室者必先形勢之彊永惟五聖  
之撫若稽三代之制崇建屏翰付畀節旄以折天下之衝以成天下  
之化皇伯祖定武軍節度觀察留後金紫光祿大夫檢校工部尚書  
使持節定州諸軍事定州刺史兼御史大夫上柱國天水郡開國公  
食邑八千二百戶食實封二千七百戶承裕器懷閑曠業履粹純孝  
友自其性成道術得之學力越升留務屢易歲陰有天屬之尊而處  
之不驕饗祿賜之重而守之以約籍列漢親之近望高秦邸之英且  
進陟於帥壇俾夾隆於王業既衍爰田之入兼陪真食之封公族多  
賢固如麟趾之厚元戎對掌益茂棣華之榮於戲戚而不見殊無以  
昭仁孝之美貴而不能降無以保爵祿之崇勉圖淑聲欽服休命可  
皇伯祖承裕特授依前檢校工部尚書充寧武軍節度使加  
食邑食實封散官勳封如故制

熙寧十年九月甲戌

朕紹帝統緒思皇本支以仁展親蓋厚善藩之衛以禮合族矧惟伯

父之賢尊之歆其同於家貴之歆其異於國渙發大號明飭廣朝皇  
伯推誠保順翊戴功臣彰德軍節度相州管內觀察處置等使開府  
儀同三司檢校尚書左僕射同中書門下平章事使持節相州諸軍  
事相州刺史上柱國濮國公食邑六千八百戶食實封一千三百戶  
宗樸行履溫恭資函信厚閱天下之誼敏而多聞求河間之書慎以  
寡過肅將金鉞之重參視衮衣之華德譽彌光世寵宜結是用錫左  
貂之新服兼著隆名徹磐石之舊疆且班崇爵爰田茂衍真賦載加  
無封爾邦不顯予命於戲齒膝侯以長示無周後之盟約劉氏而王  
永有漢存之國其共乃位以服朕言可特授依前檢校尚書左僕射  
兼侍中使持節相州諸軍事相州刺史彰德軍節度相州管內觀察  
處置等使進封濮陽郡王加食邑七百戶食實封四百戶

皇伯宗誼拜使相封濮國公制

熙寧十年十月癸巳

三

周用宗而彊過麻之休乎於永漢以族為輔異姓之勢不能陵朕躬  
大器之承憲前五之度思進褒於尊屬俾翼衛於王家揚於大廷詔  
爾羣聽皇伯昭化軍節度金州管內觀察處置等使金紫光祿大夫  
檢校右散騎常侍使持節金州諸軍事金州刺史兼御史大夫上柱  
國天水郡開國公食邑五千二百戶食實封一千七百戶宗誼質粹  
而履順居安而節和自樂詩書之聞泊無富貴之習擁媯城之鉞已  
宣屏翰之勤考濮邸之藩益茂忠嘉之望宜膺寵數用穆師言進加  
上宰之章申錫陪京之壤有華其佩視揆路之班載淑其旂侈元戎  
之貴衍之多邑益以真封澤雖甚蕃德亦惟稱於戲追累聖之烈知  
親親之不可忘念賢王之勲知承承之不可忽勉圖永譽以迪多祥  
可特授檢校尚書左僕射同中書門下平章事使持節金州諸軍事  
金州刺史昭化軍節度金州管內觀察處置等使封濮國公加食邑

七百戶食實封三百戶

皇伯宗暉淮康軍節度使濮國公制元豐元年二月甲寅

禦侮尚親先王未之或改折衝授鉞天下所以久安眷惟尊屬之賢  
蚤有皇支之譽具敷褒律以告治廷皇伯邕州管内觀察使金紫光  
祿大夫檢校右散騎常侍使持節邕州諸軍事邕州刺史兼御史大  
夫上柱國天水郡開國公食邑四千八百戶食實封一千四百戶宗  
暉器宇闊深履尚方重詩書自樂慕漢邨宗英之聞孝友夙成有濮  
園天性之愛爵隆而無負責之累祿厚而懷約己之風陞拜廉車之  
崇益增公族之重是用疇庸躋等辨域展圖付名部之整軍奉賢王  
之明祀維衮及繡視上公之儀錫山與田壯元戎之寄兼陪真賦庸  
示寵章於戲親親主恩非異數無以昭其意繼繼在德維嗣訓可以  
孚于休更恢遠猷以稱茂渥可特授依前檢校右散騎常侍使持節

蔡州諸軍事蔡州刺史兼御史大夫充淮康軍節度蔡州管内觀察  
處置等使封濮國公加食邑七百戶食實封二百戶

皇伯宗諤檢校司空移鎮進封豫章郡王制元豐元年四月乙丑

為人主者廣骨肉之愛有天下者先形勢之強長萬夫而易旄冠二  
等以疏爵大褒通屬孚告明廷皇伯推誠保德翊戴功臣集慶軍節  
度亳州管内觀察處置河隄等使開府儀同三司檢校尚書左僕射  
同中書門下平章事使持節亳州諸軍事行亳州刺史上柱國魏國  
公食邑九千一百戶食實封二千六百戶宗諤資厚體莊履和蹈順  
遐哉神靈之胄展矣肅哲之風夙摠戎旃身愈隆而能降參紆宰執  
位益高而不危齋鉞未更瑞圭既告其保宏父以帥南方且寶玉之  
分子周厥親者曰伯矧土疆之制於漢其大者淮王茂圖爾能丕顯  
予命既陪敦於邑賦復增實於邦祖茲惟隆名不曰異寵於戲毋獨

斯畏翰雖在於大宗豈無它人欣莫如於同姓惟懋以蕃王室惟慎  
以承天休欽哉汝諧允若朕訓可特授司空依前同中書門下平章  
事使持節都督洪州諸軍事行洪州刺史充鎮南軍節度洪州管内  
觀察處置等使進封豫章郡王加食邑七百戶食實封四百戶  
元豐二年七月庚辰  
朕若稽前王慎東列位親賢並建所以彊本支內外相維所以壯形  
勢眷我伯父是惟宗英揚於大廷詔爾羣聽皇伯淮康軍節度蔡州  
管内觀察處置等使金紫光祿大夫檢校右散騎常侍使持節蔡州  
諸軍事蔡州刺史兼御史大夫上柱國濮國公食邑五千五百戶食  
實封一千六百戶宗暉謙恭而有常德沈靜而無流心樂聞詩書多  
閱義理處易佚之地而不以居養移其性懷易盈之氣而不以富貴  
驕於人好禮得東平之風慕賢踰江夏之美淮康仗鉞譽望著於蕃

宣濮國奉祠勤勞見於夙夜宜甄成德丕錫殊休進聯揆路之榮增  
視宰衡之峻敦加多邑兼衍真封庸穆僉言併昭異數於戲惟禮義  
可以固重祿惟忠信可以保令名勉迪善猷益隆雋望可特授檢校  
尚書左僕射同中書門下平章事使持節蔡州諸軍事蔡州刺史濮  
國公淮康軍節度蔡州管内觀察處置等使加食邑七百戶食實封  
三百戶

宋朝大詔令集卷第四十三

宋史卷四十三  
 宗室四  
 封拜四  
 皇伯宗暉進封濮陽郡王制  
元豐三年四月乙酉  
 門下仰惟聖考入守宗祧方隆正統之承尚抑本生之報繼志述事  
 在我後人起義稱恩昭乃先烈比嚴改祔之制庶厚追崇之誠若時  
 親賢實主禮典疇頒大號孚告群工皇伯淮康軍節度蔡州管内觀  
 察處置等使金紫光祿大夫檢校尚書左僕射同中書門下平章事  
 持節蔡州諸軍事蔡州刺史上柱國濮國公食邑六千二百戶食實  
 封一千九百戶宗暉寬惠東衷懿恭率行望隆父屬慶茂天支訓詩  
 書而不懈於勤保祿位而不期於侈路車東馬擁節淮邦之嚴衮衣  
 繡裳承宗濮國之重迨祠園之展吉倡公族以協修襄事聿成孝心



彌篤是用進班五品增顯世封克綏前猷永奉常祀於戲疏爵錫福  
式推惇叙之仁謹度廸彞益勵靖恭之守往安譽處懋對眷休可特  
授依前檢校尚書左僕射同中書門下平章事使持節蔡州諸軍事  
蔡州刺史淮康軍節度蔡州管内觀察處置等使進封濮陽郡王散  
官勳封如故主者施行

皇伯宗暉移鎮檢校司空加恩制

元豐

門下朕蒙遺休於先帝集景命於我家入居儲闈遂紹太統歲丹如  
驚寤寐不忘趨謁濮宮嗟物存而人遠願瞻伯父歎年高而德修肆  
頒顯冊之文播告治朝之聽具官某智明而意美器博而量夷不侈  
不驕泊無負貴之累廸惠廸順居有納忠之誠向應相紱之華已擁  
將旄之重屬興懷於感慕加異數以褒崇錫以山川光紹先王之禮  
易之旌鉞增嚴外閫之權視秩空土之崇申衍爰田之乂以華邦族

以穆民風於戲躬殿章陵之祠涕零何以還願魯侯之壽情實惻然  
益茂遠猷用承渥命

皇伯宗晟安化軍節度使加恩制

元豐

門下朕紹承燕謀廸稽古訓圖化未乂時則隆睦族之風折衝未萌  
時則嘉擁旄之拜方進褒於尊屬俾夾輔於皇家誕布徽章具敷羣  
聽具官某稔身謙懿育德粹和系出神明之支學通儒術之博為善  
最樂蹈憲王之高風大雅不羣合河間之偉望適興懷於感慕宜錫  
命以褒優惟高密之與區實東州之名部分以苴茅之寄付之龍節  
之嚴併示寵章兼陪多邑以屏王室以糾宗支於戲威而不見殊無  
以著親親之意貴而不能降無以昭繼繼之休往服殊恩益茂成德  
皇叔宗綽建寧軍節度使加恩制

眷惟尊屬之英久修戚藩之譽肆稽舊典載訪近司誕揚寵章播告  
羣辟具官某履和而至行敏而恭閱義理之多自得天資之厚奉法  
度之守不忘世執之循惟便鎮之居留蓋歲陰之屢易建安舊壤南  
國輿區錫之旌纛之雄付以茅社之寄陪加多井申寃至思於戲崇  
大本支周邦隆下世之永推明道術漢藩成後世之名徃承其休茲  
茂欽德  
皇叔宗隱保信軍節度使加恩制  
門下周用宗強獨高三代之麻漢以族輔外折諸侯之謀茲先王已  
試之遠猷而有國適循之大典方褒懿屬誕布徽章具官某清明冲  
和博大惇裕濮園流祉早膺世系之休文考尚親夙厚天倫之愛自  
居留務浸易歲華屬典感慕之懷宜極褒崇之典高幢巨輅壯端節  
於中軍元袞介圭錫苴芽於西屏陪之多井行以真封於戲親而至

踈蓋王者強宗之道滿而不溢延戚藩謹度之心徃服訓言益茂成  
烈

皇叔宗瑗漢東軍節度使加恩制

門下深根而弗敢傾周邦由之安治尋斧而無所託秦人所以孤睽  
朕若稽古先遵循憲度思廣本支之輔以圖形勢之安乃眷近親綽  
有嘉德肆頒顯冊孚告大廷具官某器懷閎深資識明茂席慶大宗  
之後揚徽屬籍之英兼親與尊蓋若東平之貴甚文而禮早晞衛武  
之風濱漢之區惟隨為大畀以擁旄之寄錫之胙上之封申衍井腴  
增華邦族於戲一人有慶史稱盛德之隆千載自全傳載寧侯之世  
徃茂爾烈以輔我家  
皇叔宗愈寧國軍節度使加恩制  
門下王者建封親賢宗廣藩輔以恩隆殺為國重輕故駢駢角弓雅

以刺怨振振麟趾風以詠歌永惟冲人祗紹大業追監已然之迹敢  
忘悖叙之恩進寵宗英肆頒顯冊具官某業履清簡器識高閑位不  
期驕早遠綺紈之習富而好禮自全藩翰之風越居留務之華屢覲  
歲陰之易屬懷先烈增沛徽章惟華原之與區實西州之名部頒之  
瑞節錫以苴茅申衍上腴併昭異數於戲瞻濮國之館御慨慕無窮  
眷文考之天倫矜嗟何已往承渥命用迪多祥元豐六年郊

皇伯宗暉加恩制元豐六年郊  
門下朕秉長至之景緝肇禮之文躬執裸圭薦鬯乎清廟夙駕齋輅  
升煙於紫壇維時近親相我熙事肆盼渙號敷告治廷具官某性資  
粹純器識忠固被之袞冕進居上宰之班錫以山川光紹先王之履  
屬舉宗祈之祀預有顯相之勞方均布於靈釐宜褒加於寵典陪之  
多色衍以真封於戲制祭而必於郊蓋答昊天之恩命歸朕而受之福

莫先伯父之賢益茂遠猷以承介祉元豐八年

皇伯祖宗暉移充鎮南軍節度加恩制哲宗即位

門下膺圖踐祚不敢忘繼繼之難扞侮折衝莫若廣親親之輔永惟

尊屬時謂宗英宜疇衛社之勤申錫告廷之命具官某識度粹穆才

資濬明承慶濮園富貴無危溢之累被遇先帝爵祿有褒嘉之崇接

物以謙禔身以約華袞亦為進聯上宰之班鸞旂瑀戈奄宅先王之

國屬慕承之伊始宜悖叙之有加是用易宛邱陪輔之疆錫漳水鎮

臨之節增隆多邑申衍真田以侈維藩以昭異數於戲紹封四履允

惟世系之光同日五王疇若天倫之盛往承渥命益茂遠猷

皇伯宗暉移彰化軍節度開府加恩制元豐八年

門下崇建本支所以成百世之業廣強藩輔所以維四海之安矧予

冲人獲紹大統睦惟尊屬茲曰賢王誕因訪落之辰申錫告廷之命

其官某謙恣而勁正清明而粹純流祀濮園被遇先帝卓為屏翰之表載嚴莊靜之稱董我宗盟彌得治親之誼昨之東土允符樂善之誠初聽覽於政機益褒隆於邦族是用易以鉞旄之鎮進之將相之班增衍井腴陪敦圭賦於戲蒙休列聖荷神器之傳歸錫羨近親振寶圖於嘉靖永綏厥位不其盛歟

皇伯宗隱移保信軍節度開府檢校司空加恩制 同上

門下受命之君繼天而王雖禮有損益事殊質文至於崇建懿親保安皇緒考之百世皆出一塗矧予冲人獲紹大統申褒宗戚字詔治朝具官某行愿而恭履和而至閱義理之學益求光大之知循法度之中獨遠紛華之習進摠戎車之重遂疏王社之封適屬纂承理當尊顯是用按圖輿地易節大廷擁便鎮之鉞旄陟隆名於將相視秋空土衍食爰田於戲唐冊五王奕世之休孚於永漢啓九國異姓之

勢不能陵尚肩乃誠以輔予治

皇伯祖宗瑗移昭信軍節度開府儀同三司檢校司空制 同上

門下朕欽膺顧命獲嗣寶圖肆予冲人永思艱敢忘大下於乎皇考謹克孝務極丕承乃眷近支時謂尊屬稽用故常之典申嘉褒序之文揚於明廷詔爾列辟具官某德度粹穆才猷靖深温温恭人之基兢兢當世之業宅心知訓迪康叔之善謀大雅不羣負河間之偉望越自將牙之罷進疏王社之封屬朕承祧以仁睦族易鉞旄於舊履陟將相之隆名視秩空土之崇衍食爰田之入於戲休烈威羨而歸之二后本周王之至懷折難成業而賴之諸侯亦漢家之遠御往拜嘉命以永淑聲

皇叔祖宗勝武泰軍節度使加恩制 同上

秦變三代也則志同姓之封周監二王也則廣懿親之輔此前古之

已試而有邦之所稽矧惟冲人嗣膺大庥眷予尊屬實表宗藩其敦  
顯冊之文以告治廷之聽具官某氣和而勁行愿而恭博通義理之  
方洞達國家之體廼惠廼順早揚樂善之稱不溢不危泊無負責之  
累越留使邸屢易歲陰維繼序之云初宜疏恩之等加沂峽而邁惟  
黔為雄錫之瑞節之華寵以元戎之寄申加多并增衍真封考于舊  
章時曰異教於戲振振信厚有如麟趾之時鞞鞞光明相望棣華之  
盛徃承休命益茂遠猷

皇叔祖宗綽改保靜軍節度使開府儀同三司檢校司空加  
恩制同上

門下朕以眇躬奉承大統循五聖之成憲稽百王之舊章封建親賢  
廣強藩屏以侈本支之勢以固磐維之安其敦渙恩以詔列辟其官  
某性資純厚器識淹通河間雅材久擅漢藩之譽衛叔馴行允為周  
翰之良自申錫於將牙益夾隆於王室先帝感慕特疏裂壤之封冲  
人繼承敢忘尚親之典易以鉞旄之寄陞之將相之班行食爰田視  
秩空土於戲行純茂而不顯異何以示人守富貴而不戰兢無以謹  
度服我嘉命益茂遠猷

宋朝大詔令集卷第四十四

宋朝大詔令集卷第四十五

宗室五

封拜五

皇叔祖宗祐寧遠軍節度使加恩制

元豐八年同上

門下朕獲膺駿命肇臨庠邦銜郵宅宗暢循於祖烈折難成業實賴於宗英方申進律之文宜布告廷之號具官某才資茂美德度曠夷承慶濮園允迪休明之緒被遇先帝久膺藩輔之勤自使邸之居留閱歲陰之流邁屬承祧之伊使宜錫命以有加陟以齊壇肆嚴外闡之望華之金鉞增固維城之安陪益爰田衍加真賦於戲無獨斯畏蓋載風人之所譏懷德惟寧茲本先王之遠憲益思遠懋以對寵光皆即皇叔祖宗愈移昭化軍節度開府儀同三司制同上門下朕承祖宗之休履王公之上訪予落止敢忘負荷之難肆其靖

之賢賴藩維之勢眷言尊屬蓋出近支宜疇厥勞申錫褒律具官某  
智明而意美林敏而量夷爵隆而持之以謙祿豐而守之以約時疆  
維翰已顯將聞之雄事發感懷進啓王封之重屬紹承於皇極首褒  
序於懿親是用易以鉞旄陞之將相兼陪多井增衍真祖以應國之  
大章以迪古之遺法於戲惟樂道可以正身娛意惟建親可以禦侮  
折衝徃其欽哉服我休命元豐八年  
皇叔祖宗建武軍節度使加恩制  
門下朕蒙休先帝錫羨我家欽寶命之承肇親於庶政沛大澤之博  
徧暨於皇支宜渙徽章以孚羣聽具官某材資敏茂識度曠夷越承  
濮邸之休寢被先朝之遇優游學海益窮義理之聞表率宗藩斥遠  
驕華之習自居留務屢易歲陰肆朕承祧以時叙族是用應近古之  
法按輿地之圖就頒齋鉞之雄徃總元戎之寄申陪多井併示殊私

於戲周建本支史氏書其過麻漢裂疆土議臣諭之鐫金勉迪壯猷  
答揚休命

皇伯祖宗晟加恩制元祐元年

門下朕承季秋之序緝告禮之文肇祀昊穹陟配文考神啟如荅嘏  
告厥祥維時近親翼我大事肆頒寵典敷告治朝具官某德度粹夷  
材資茂敏襲世緒而能濟其美處勢榮而益持以謙越自董正宗盟  
進膺封爵考閱義理有古賢王之風惇叙本支為時懿戚之冠屬舉  
宗祈之典實多顯相之勞既齋明以陪真館之祠又陟降以贊合宮  
之薦申加異數增衍本封於戲德厚者流光禮感者文縉執圭幣以  
事上帝茲曰鉅儀歸朕膳以友諸侯敢忘尊屬徃應介福益保隆名  
皇伯祖宗暉加恩制  
元祐元年  
門下朕祗邁舊章肇稱吉禮以承天者祭之所重故躬三歲之祠嚴

父者孝之所先故度九筵之制蓋禮行而精意達恩厚而多祐臻方  
衰庶位之勞宜首懿親之獎具官某德性莊重才猷靖深錫山與田  
奄紹先王之國維衮及繡進華上宰之章屬此宗祈相於鉅典陪薦  
遽於真館參獻肇於合宮宜疇厥勞多錫之邑以強屏翰以茂宗支  
於戲逆三神之釐茲實太平之盛歌大雅之詠敢忘尊屬之賢往協  
榮懷益思勵翼元祐元年  
門下朕躬執珪幣祇見帝親惕然履霜敢忽忘於前烈沛然下澤恩  
蒙被於東方惟時近親翼我大祀宜頒惠術以詔羣倫具官某國之  
懿親朕之尊屬維屏維翰無慚宗子之詩不溢不危能謹諸侯之度  
自擁旄於南國遂疏爵於鄖山屬修薦鬯之誠實賴奉璋之助多錫  
之邑用疇厥勞於戲格三神之歡方獲成於鉅典均四海之澤宜褒

厚於宗藩往承之休益輔予治

皇叔祖宗綽加恩制元祐元年

門下朕肇稱元祀躬享繼章嚴父配天將以答三靈之貺因親教愛  
所以形四國之風廼眷宗藩實陪熙事宜頒孚號播告治朝具官某  
器度閎深業履端重承慶大宗之後揚徽屬籍之間英祖御邦最厚  
天倫之愛先皇睦族亟膺王爵之封位隆而將之以恭祿厚而守之  
以約屬修宗祀之典實相我將之勤宜厚褒嘉用昭惇序俾食大都  
之賦兼陪真邑之封以侈蕃釐以彰異數於戲帝親兼饗大虞禮樂  
之未明賢戚並隆實賴本支之為輔益肩惠順往承寵靈元祐元年  
皇叔祖宗祐加恩制元祐元年  
門下朕紹膺洪緒祇適先猷惟至神無方非宗祀無以明其報惟爽  
德在上非昭報無以極其誠涓選肅霜之辰躬修大饗之禮肆頒寵



典首暨懿親具官某性愿而和材明而敏保寵無驕溢之累造行有  
忠嘉之稱屏翰王家擁南邦之旄鉞帥循侯度殿洛邑之山川逮此  
休成實資顯相方均敷於惠術宜褒進於寵名增厚宗盟陪敦井賦  
於戲神靈享而萬物輯豈朕敢專本支強而百世寧遲爾為輔嘉樂  
厥福永孚于休

皇叔祖宗瑗加恩制  
元祐元年  
明堂

門下朕祇用舊章躬修宗祀執圭展采所以拜上帝之休侑食致嚴  
所以儀昭考之烈孝奏而精意達靈游而多祐臻乃眷宗藩宜膺異  
數具官某體和履順經哲秉彛博求義理之聞獨遠紛華之習持循  
侯度協麟趾之振振屏翰王家明棣華之韡韡屬洎剛日褒對上儀  
恭駕約軼未承大糒方肆均於靈貺宜進被於寵章申衍爰田增陪  
真賦於戲四海各來助祭百官肅然薰心接神者既竭於精誠睦族

者敢忘於惠術往承休命益茂壯猷

皇叔禮宗隱加恩制

門下朕刺六經之制躬三歲之祠奠學琳宮將以迎至神之既執圭  
陽館所以企上帝之臨奉承闕休敷錫庶位肆頒明命先獎近親具  
官某屏翰之賢宗戚之望擁旄帥路常折難於未然受冊王家益協  
恭而不懈寵榮滋至謙恣浸聞屬緝百王之文躬修九室之祀迄由  
顯相用底思成衍食爰田陪輸真戶於戲禮樂明備以逆三神之登  
枝葉扶疎茲為萬世之策往膺異數永介多祥

皇叔祖宗愈加恩制  
元祐元年  
明堂

門下孝莫大於嚴父惟至誠可以格神禮莫重於配天惟盛德為能  
侑食朕荷孫謀之燕翼緝鉅典以成休眷惟尊屬之賢時為戚藩之  
表咸預齊被宜均福休具官某器宇曠夷性懷信厚日惟義理之學

居有忠孝之聞循法度以養其心無驕侈以易其介被濮園之愛早蒙枝葉之榮啓華原之封益致盤維之輔方奉駢犧之享進陪振鷺之班均錫蕃釐陪敦多并於戲禮盛者儀綽本大者末閱誰其配之是為烈考於穆不已無愧文王往承之休益揚厥問

皇伯祖宗前彰化節度判大宗正事宗晟起復制

門下曾閱之哀喪不貳事漢唐之舊禮有奪情矧予藩屏之親實兼臣子之重雖閨門以恩掩義而公侯以國為家伯臣司宗職不可曠要經服事古有成言非予爾私其聽朕命皇伯祖宗前彰化軍節度涇州管内觀察處置等檢校司空開府儀同三司持節涇州諸軍事使涇州刺史判大宗正事上柱國高家郡王食邑七千八百戶食實封一千四百戶宗晟天資純茂德履方嚴釅餘慶於祖宗蹈格言於師保典司屬籍克育令名郢客卒業於浮邱辟疆受知於高帝允釐厥

位無愧昔人屬此閔凶累然毀瘠嗟日月之愈邁重職業之久虛且復罷名式從權制於戲出居官次非王事不該退適倚廬循喪祭之禮則忠孝兩得人無間言功名益隆親有顯譽勉服朕訓光昭前聞可特復起

### 皇伯祖宗暉加恩制

門下宗祀配天所以教諸侯之孝加地進律所以廣上帝之恩矧維天屬之尊世奉濮園之享相予肆祀綏我思成躬率父兄之和以致天人之應用敷大統昭告治朝皇伯祖鎮南軍節度洪州管内觀察處置等使檢校司徒開府儀同三司持節都督洪州諸軍事洪州刺史上柱國嗣濮王食邑二萬一千一百戶食實封三千七百戶宗暉爵封世王名冠屬籍貴而能降富而不驕孝悌肅恭率本天姿之懿威儀問學蚤承師訓之良同我絜齋獻於饋熟進退知於禮節升降

比於樂章逮此休成宜均多福益衍舊封之廣仍加真食之優於戲  
承安懿之後思繼前人之令猷兼將相之隆勉圖夾輔之休烈茲因  
受爵之寵益起循墻之恭庶無間然克有終譽可特授依前檢校司  
徒開府儀同三司持節都督洪州諸軍事洪州刺史嗣濮王充鎮南  
軍節度洪州管内觀察處置等使加食邑一千戶實封三百戶勲如  
故

宋朝大詔令集卷第四十五

宋朝大詔令集卷第四十六

宗室六

封拜六

皇叔祖宗祐加恩制

門下朕出歎原廟之嚴入謁總章之祕師臣外帥多子以靖吾國宗  
卿內帥諸父以正吾家親賢既和天人咸若膺受多福施及四方矧  
惟族屬之尊宜有寵光之異皇叔祖寧遠軍節度容州管内觀察處  
置等使持節容州諸軍事容州刺史上柱國鞏國公食邑五千八百  
戶食實封一千六百戶宗祐耻為富貴之習動由禮義之中祇順父  
兄親近師友肅若閨門之治穆然朝謁之容秉旄鉞而四方之志行  
錫茅土而諸侯之禮備遠鎮容管近殿洛師處之若無久而益慎爰  
推大賚之澤益彰有德之榮增衍故封懋錫真食於戲考之晉人則

安平之於武帝求之唐室則元嘉之於高宗皆以德重屬高恩隆禮  
異往祇服於明命思無愧於古人可特授依前持節容州諸軍事容  
州刺史鞏國公克寧遠軍節度容州管内觀察處置等使加食邑七  
百戶食實封二百戶勲如故

皇叔祖宗楚加恩制

元祐四年

門下漢封同姓之國勢遂踈於本朝唐任宗室之隆用每雜於他族  
祖宗酌古今之典篤兄弟之親雖極茅土之封常居朝謁之地眷禮  
特異前世莫倫皇叔祖建武軍節度邕州管内觀察處置等使持節  
邕州諸軍事邕州刺史上柱國鄭國公食邑五千八百戶食實封一  
千六百戶宗楚孝友根心文藝飾性居處恭故不聞過行室家理故  
可以蒞官師保不煩朋友稱信乃者顯相原廟之祀齋宿總章之廷  
醴假無言質明成禮頌惟大賚之澤且處羣臣之先益行故封陪敦

真食於戲宗祀之典所以教孝於諸侯賜胙之恩所以均福於上帝  
誠觀禮以知義尚修身而保終祇服寵光永有燕譽可特授依前持  
節邕州諸軍事邕州刺史鄭國公克建武軍節度使邕州管内觀察  
處置等使加食邑七百戶食實封二百戶勲如故

皇叔祖建雄留後宗景建節制

元祐七年

門下敦叙九族之親虞朝所以勵翼大封同姓之國周室所以威疆  
遊觀屏翰之謀必重本支之正用修顯命教告治廷皇叔祖建雄軍  
節度觀察留後持節晉州諸軍事晉州刺史同知大宗正事上柱國  
天水郡開國公食邑六千三百戶食實封一千八百戶宗景度博有  
容心莊克畏守爵以謙而無驕貴之累享祿以約而無侈富之非儀  
刑公族之忠左右時雍之睦更閱天下之理善推門內之恩眷惟近  
屬之尊宜昭樂善之勸乃置常遷之典特施優拜之榮總感德之全

師易平陽之留務雖專持於齋鉞復佐貳於宗藩衍食并封佚居將  
 閭駢蕃異數烜赫隆名於戲寵至者位危官久者任實惟始卒一操  
 可以居寵惟夙夜一慮可以宿官欽服茂恩以永終譽可特授持節  
 耀州諸軍事耀州刺史同知大宗正事元感德軍節度耀州管内觀  
 察處置等使加食邑五百戶食實封二百戶勳如故

皇伯祖宗晟特授檢校司徒依前開府儀同三司判大宗正  
 司事充武安軍節度使進封嗣濮王加食邑食實封勳如故

門下直社受封所以大威藩之形勢加地進律所以帥侈閭之光華  
 况於襲爵王家典祀園廟宜廣施於異數以敷告於大廷皇伯祖彰  
 化軍節度涇州管内觀察處置等使檢校司空開府儀同三司持節  
 涇州諸軍事涇州刺史判大宗正事上柱國高密郡王食邑八千八  
 百戶食實封二千七百戶宗晟誠忱自將業履無爽裔於神明之胄

躬有肅父之資循法度之守而靡愆於中閱義理之多而能識其要  
 地無將相而不忘於謙挹富有榮祿而無蹈於驕奢選諸近屬之尊  
 董我太宗之秩靖恭厥位治辦有聞顧祇奉於烝嘗蓋推先於肺腑  
 昨之以先王之賜履寵之以平楚之中權視秩上公增陪真賦豈惟  
 丕承文祖之遺志抑以率循烈考之舊章於戲繼世象賢既蒙休於  
 餘澤追養致敬當盡志於孝思益圖令名尚介多祉可

皇叔祖宗景特授檢校司空持節曹州諸軍事曹州刺史同  
 知大宗正事充彰信軍節度曹州管内觀察處置等使加食  
 邑食實封勳如故制

紹聖元年十一月十四日壬午

門下朕嗣膺駿命祇適先猷糾合懿親所以成信厚之化推崇近屬  
 所以疇率表之勞乃眷宗英特頒異數夙涓良日敷告治廷具官某  
 德度恭寬才猷悖大出神明之胄喬而躬履蹈於謙和保公侯之世

家而不驕盈於富貴端莊朝路雖寒暑以度脩肅謹官常裕親疏而無間惟爾公族統于太宗惇叙訓齊叔宏規於文祖選掄委過被隆眷於先朝終始十稔靖恭爾志願旌勤舊誕舉典章俾加拜於上公益內遷於巨鎮陪敦并賦衍食真封併示顯膺式昭體貌於戲加地進律非以私親樂侮折衝是惟報國益循制節永底壽康惟時老成無待多訓可

皇叔祖宗愈特授檢校司徒依前開府儀同三司充鎮安軍節度陳州管內觀察處置等使進封嗣濮王加食邑食實封

門下唐克睦族用於變於時雍周室大封以填臨於天下眷惟近屬世襲真封祇遵先猷偏逮諸子乃涓吉日播告大廷皇叔祖寧國軍節度宣州管內觀察處置等使檢校司空開府儀同三司持節宣州

諸軍事宣州刺史上柱國華原郡王食邑九千八百戶食實封三千戶宗愈肅乂不疵溫良有裕生高明之胄系而弗汰於貴驕蹈德性之中和亦動遵於法守惟即園而建廟本繼世以象賢紀念懿親典司祀事非止次升之有序亦惟德選之允諧用是崇進上公徒臨近鎮陪敦真食增衍戶封於戲相樂土於楚郊視官聯於政路膺茲儀物屬我親賢勉致力於奉承諒弗煩於訓誡可

皇叔祖宗楚持授檢校司空充武勝軍節度使加食邑實封

勳如故制

門下朕纘紹丕圖昌隆成業外崇黎獻內睦懿親積日累勞加地進律率循太卜敷告治廷具官某寬靜毅和慈良肅恪襲賢王之華胄則居貴而不流守維城之善藩則處位而彌恪肅從賓贊淹歷華歲罔蹈尤違益彰冲挹雖靖恭之守無寒暑燥濕之移而褒崇之科有

親賢德齒之稱是用視秩空土徙節南陽衍食爰田陪敦真賦併為  
異數宜體茂恩於戲無忝所生以蹈聖經之誠秉德陪朕益隆繼世  
之休可

門下皇叔祖宗祐特授檢校司空充橫海軍節度使加食邑食實  
封勳如故制

門下朕尊祖敬宗右賢左戚其褒崇於近屬悉循用於至公圖惟積  
勞稽參陟典涓茲良日告爾在廷具官某體備中和才膺肅乂出神  
明之胄而躬愷悌之資襲王公之封而寡流宕之過沖靖無懈寬裕  
自持擁髦節者十年守恭寬之一德居勤為善之樂動符閱理之多  
是用視秩上公徙臨近鎮益敦井賦陪衍真封服我殊恩併為異數  
於戲親賢並建國家所以休明富貴不驕社稷所以長久矧我成德  
無待訓詞可

皇叔祖宗景特授依前檢校司空開府儀同三司判大宗正  
事充彰信軍節度使持封濟陰郡王加食邑食實封勳如故

制  
紹聖二年  
八月口日

門下金印盤綬冠三事之崇階渠門赤旗開百里之成國道膺盛典  
時屬親賢涓日之良揚廷以告皇叔祖彰信軍節度曹州管內觀察  
處置等使檢校司空持節曹州諸軍事曹州刺史知大宗正事上柱  
國天水郡開國公食邑八千戶食實封二千四百戶宗景謙虛敦大  
寬裕靜莊襲慶善於高門而無充詘之過總訓齊於屬藉而躬表率  
之勞既法立於閨闈宜職修於國族睦是懿戚迄無間言疇其宿官  
已更進律崇於專任益懋寵光是用超二等以疏封憲萬邦而作弼  
敦陪井賦衍食真封於戲德爵之高既莫尊於近屬將相之重益益  
壯於宗藩祇率履祥愈隆受祉願惟成德無待訓詞可

皇叔祖宗綽特授檢校司徒依前開府儀同三司持節孟州諸軍事充河陽三城節度使進封嗣濮王加食邑實封勳食如故制紹聖二年九月己亥襲封

門下朕祇適先猷務敦孝治本篤親而重祀肆進律以疏封襲乃故邦用推崇於烈祖過逮諸子考盛典於先朝茂建宗英誕敷優策消茲吉日告於治廷皇叔祖保靜軍節度宿州管內觀察處置河堤等使檢校司空開府儀同三司持節宿州諸軍事宿州刺史上柱國建安郡王食邑八千八百戶食實封二千四百戶宗綽性守中和天資明晤恪從賓贊循法度以無違陪輔蕃宣兼謙恭而有裕繫園廟之建嗣用天倫以次升惟我賢王益諧輿議是用大荒賜履褒進上公增衍戶封敦陪真食於戲分茅直土修宗子之大封繼世象賢修先王之常祀益祇乃事無怙於盈可

皇叔祖宗祐加恩制

紹聖二年九月明堂

門下朕躬執珪幣並饗帝親式德莫愆具膺祖賚之福在宗載考肆有褒嘉之恩播告治朝咸聽朕命皇叔祖橫海軍節度滄州管內觀察處置等使檢校司空持節滄州諸軍事滄州刺史上柱國鞏國公食邑七千七百戶食實封二千二百戶宗祐齊莊自表信厚不渝出神明之胄而無倨貴之心兼爵德之尊而有勞謙之聞並受帝祀克蕃王家屬顓奉璫之祀以承祀事眷言授鉞之將乃在宗盟逮此宗成申之寵獎用酬多邑增衍本封於戲不溢不危所以謹諸侯之度乃順乃惠所以觀前人之光往哉惟休是以有譽可



宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋隆大詔令集卷第四十七

宋朝大詔令集卷第四十七

宗室七

封拜七

皇叔祖宗綽加恩制

紹聖二年九月明堂

門下朕順考典章肅恭明祀益紹隆於先軌重祗恪於孝思躬即合

宮遙昭嚴父禮成獻饗澤被臣工播告在廷敷揚成命皇叔祖河陽

三城節度孟州管內觀察處置河堤等使檢校司徒開府儀同三司

持節孟州諸軍事孟州刺史上柱國嗣濮王食邑九千五百戶食實

封二千七百戶宗綽秉德純厚賦性強明蚤緣近屬以殿藩重襲世

封而奉祀富而好禮居無充訕之尤恭而不驕雅有中和之守是為

茂器見譽戚藩方慶澤之流行宜親賢之守及增衍戶賦進食真封

益壯戎昭用嚴藩衛於戲本支並茂見帝室之蕃昌鄂附相輝識三

門之襲慶益祇寵渥永底壽康可

皇叔祖宗景加恩制

同上

門下朕祇奉寶圖肅恭愍祀消選穀旦展盛禮於合宮昭格明靈侑嚴親於上帝忱恂旁達既施下臨惟時湛恩用先近屬敷揚大號布告治廷皇叔祖彰信軍節度曹州管内觀察處置等使檢校司空開府儀同三司持節曹州諸軍事曹州刺史判大宗正事上柱國濟陰郡王食邑八千五百戶食實封二千六百戶宗景瓌璋宏材中和德性動惟絜矩宣義問於宗支率以敦和久訓齊於公姓奉祠惟恪歲事有勞方茲慶澤之流矧在親賢之右進陪戶賦衍食真封事雖考於彛章情益隆於異數於載位望之重固素履之不渝祉福之多宜明神之所相益期康靖永翊丕平可

皇叔祖宗楚加恩制

紹聖二年九月二十四日同上

門下吉禮之屬惟愍祀以居先嚴父之文亦配天而為大朕適導先典躬造總章盛禮告成慶賜交舉顧茲進律首及近藩布告治廷敷揚大號皇叔祖武勝軍節度鄧州管内觀察處置等使檢校司空持節鄧州諸軍事鄧州刺史上柱國鄖國公食邑七千七百戶食實封二千二百戶宗楚珪璋美質杞梓成材分支派於天潢壯藩宣於玉室蹈履貴戚而弗至於尤違躬行謙勤而益敦於孝悌謹爾侯度為時宗英方茲渙汗之行宜在晉康之典載疇并賦增衍真封於載篤親之恩不論於稱代崇貴之義亦在於戒盈順保福隆壽祀可

皇叔祖宗楚除開府儀同三司進封南陽郡王制

紹聖三年二月廿五日

門下朕若昔大猷紹隆丕構自我烈祖入承累聖之基肆其先王克

有分濮之社載考大宗之籍未加諸子之封義所當隆恩宜有稱其

尊大號以詔庶官皇叔祖武勝軍節度鄧州管内觀察處置等使檢

校司空鄧國公食邑八千四百戶食實封二千四百戶宗楚信厚積  
中齋莊迪已年彌高而有柔嘉之則屬最近而無訖訖之心已陳節  
於將壇未徹疆於王土稽用屏周之義申加輔漢之藩荒南陽之大  
邦即武勝之舊履有華上公之哀有叔元戎之旂敦厥井封班之宰  
席蓋師言之我錫非朕志之汝私於戲惟修身則可以觀前人之光  
惟制節則可以謹諸侯之度牲服朕命永孚于休可特授依前檢校  
司空開府儀同三司持節鄧州諸軍事鄧州刺史充武勝軍節度鄧  
州管内觀察處置等使進封南陽郡王加食邑五百戶食實封二百  
戶

皇叔祖宗祐除開府儀同三司封景城郡王制  
門下有天下者得盡其貴貴之恩立入道者必致其親親之義考夫  
宗之近戚眷烈祖之同生咨爾庶官申聽朕命皇叔祖橫海軍節度

滄州管内觀察處置等使檢校司空鞏國公食邑八千四百戶食實  
封二千四百戶宗祐修身時敏作德日休服大雅之不羣知為善之  
最樂保爵祿之貴而不溢出神明之胄而不驕屬近而行尊年高而  
德邵已備登壇之拜未加裂土之封蓋將何以對前人之休亦非所  
以厚同姓之孚因其舊履錫以命書衮衣繡裳班於上宰苴茅社土  
王此大邦於戲崇德象賢所以固宗盟制節謹度所以蕃王室往綏  
厥位尚遠乃猷可特授依前檢校司空開府儀同三司持節滄州諸  
軍事滄州刺史充橫海軍節度滄州管内觀察處置等使進封景城  
郡王加食邑五百戶食實封二百戶

皇叔祖宗楚封嗣濮王制  
紹聖三年二月乙亥

廣因心之教者莫大於親親善述人之事者莫大於繼繼昔我文祖  
嘗推本於所生肆予冲人其克綏於厥後申加明命播告治朝皇叔

祖武勝軍節度鄧州管内觀察處制等使檢校司空開府儀同三司  
南陽郡王食邑八千九百戶食實封二千六百戶宗楚履順居謙秉  
猷迪吉身修而多義理之閱屬近而有法度之循是咨公族之宮建  
邦而啓土俾紹大宗之裔繼世以象賢徹以武昌之疆賜之濮國之  
履參官將相列爵公王為龍為光率舊章於昭考我將我享承祀事  
於先王於戲惟祗乃心所以不期於驕惟慎厥終所以長守於貴庶  
有辭於永世以無忝於前人可特授司徒依前開府儀同三司  
持節鄧州諸軍事鄧州刺史克武昌軍節度鄧州管内觀察處置等  
使進封嗣濮王加食邑七百戶食實封三百戶仍令所司擇日備禮  
冊命

皇叔祖宗祐除檢校司徒依前開府儀同三司克清海軍節  
度使進封嗣濮王加食邑實封勳如故制紹聖四年八月

門下朕荷上穹之眷承累聖之基表正萬邦惇叙九族自予皇祖入  
嗣統於大宗肆爾先王肇建邦於有濮偏逮諸子厥惟殊恩載詠象  
德之賢誕布颺廷之命皇叔祖橫海軍節度滄州管内觀察處置等  
使檢校司空開府儀同三司持節滄州諸軍事滄州刺史上柱國景  
城郡王食邑八千九百戶食實封二千六百戶宗祐溫仁而寡過夷  
粹而有容行克謹而惟禮樂之修年彌高而多義理之閱光輝屬籍  
誰並宗英之遊儀表戚藩久隆耆俊之望俾襲封於大國爰視秩於  
上公遂荒南海之圻盡賜先君之履馳鈕盤綬禮極真王之宗豹尾  
神旗任總元戎之重申衍爰田之賦陪敦真食之翰萃是寵章發為  
渙渥以懋昭於乃德用焜燿于而家非朕汝私實國舊典於戲無念  
爾祖繼恭靖之後而彌昌追配前人奉安懿之祠而勿替尚肩慶譽  
茂對寵光可

皇叔祖宗漢特授開府儀同三司充昭化軍節度使改封安  
康郡王加食邑食實封勳如故制

門下夫克明其德克睦族而變時雍慎修其身舜悖宗而明勵翼蓋  
正其家者必先諸己篤其愛者必始於親朕眷禮庶工推先同姓永  
惟安懿之後實嗣濮陽之封統馬諸孤存者無幾矧密聯於宗屬獨  
未建於高牙載惻予懷肆頒顯命皇叔祖保寧軍節度觀察留後持  
節婺州諸軍事婺州刺史上柱國東陽郡王食邑四千戶食實封一  
千戶宗漢溫恭而迪德莊重而秉彝為宗室之表儀閱天下之義理  
本支孫子系神明之胄而無驕室家君王席富貴之資而不溫爰疇  
碩望申錫殊榮越從留務之崇躡拜元戎之重班於冢弼秩以真王  
衍食敦封加地進律並推渥洽增煥寵光以慰文考優異近族之心  
以稱沖人追崇先烈之意是循彝訓允穆師言於戲磐石之宗子弟

有犬牙之地闕睢之應公族如麟趾之時尚迪令猷永綏吉祿可

皇叔祖宗景特授依前檢校司空復開府儀同三司濟陰郡  
王勳食邑食實封如故制

門下立愛惟親者所以睦族宥過無大者所以廣恩惟時宗藩久罹  
邦憲錫以寵命揚于治廷皇叔祖彰信軍節度管内觀察處置等使  
檢校司空持節曹州諸軍事曹州刺史上柱國濟陰郡王食邑九千  
五百戶食實封二千九百戶宗景履富貴之資出神明之胄頃偶違  
於禮分遂自冒於簡書幾年於茲在法當叙嘉乃省循之行用申敦  
睦之情金鉞齋旄仍昇將牙之舊繡裳赤舄復參公衮之華蓋將榮  
骨肉之恩庶以厚枝葉之茂於戲親親者義必盡法有三宥之恩貴  
貴者禮必隆恩無一普之廢往共爾位尚慎厥終可

皇叔祖宗漢特授檢校司空依前開府儀同三司充彰德軍

鄧度使進封嗣濮王加食邑食實封勳如故制  
門下夫建邦啓土國家所以廣親親之仁崇德象賢先王所以終繼  
繼之義克紹太宗之裔若時尊屬之良我有渙恩播於羣聽皇叔祖  
昭化軍節度金州管内觀察處置等使開府儀同三司持節金州諸  
軍事金州刺史上柱國安康郡王食邑四千五百戶食實封一千二  
百戶宗漢抱疏通之識躬膚敏之才席貴富而惟圖書之哀居戚近  
而遠綺紈之習昔在文祖寔隆李弟之懷逮於先朝尤嘉諸父之敬  
屬有建旌之拜越躋開府之崇方且祗奉寢園虔共時祀宜極褒嘉  
之典以申優異心之其仍上將之班遂賜光君之履徹口濮上換節  
相臺俾襲慶於王家復參華於台路陪之真食衍以多田徃并服於  
寵光庶克修於饋享於戲遍逮諸子朕惟遵昭考之模保故有封爾  
尚篤前人之烈勉綏燕譽益懋誠勤可

宋朝大詔令集卷第四十七

宋皇朝大詔令集卷第四十八  
昭踐祚之恩皇叔祖檢校司空開府儀同三司彰德軍節度使嗣濮  
王宗漢迪德有常誠身弗越長於富貴之守閱夫義理之多固有賴  
於宗強實克隆於世美苴茅胙土久膺同姓之封世德象賢寵踐先  
君之履承王休而無斁秉祖烈以攸茲屬績丕圖申加異命其永藩  
於王室以茂對於前人尚肩乃心體我初政可特授檢校司空寧江  
軍節度使

宋皇朝大詔令集卷第四十八

宗室八

進拜八

皇叔祖宗漢檢校司徒移鎮制元符三年正月庚寅徽宗即位

門下朕紹國之緒承天之休未堪多艱惟新厥德用謹惇宗之義以

昭踐祚之恩皇叔祖檢校司空開府儀同三司彰德軍節度使嗣濮

王宗漢迪德有常誠身弗越長於富貴之守閱夫義理之多固有賴

於宗強實克隆於世美苴茅胙土久膺同姓之封世德象賢寵踐先

君之履承王休而無斁秉祖烈以攸茲屬績丕圖申加異命其永藩

於王室以茂對於前人尚肩乃心體我初政可特授檢校司空寧江

軍節度使

皇叔祖宗絳建鄴制元符三年正月辛卯同上

門下繼世象賢所以固本支於平國加地進律所以強屏翰於威藩  
惟予冲人嗣大庠服眷言尊屬敦錫徽章皇叔祖某軍節度觀察留  
後宗絳信厚而不渝恭儉而有制斥驕奢之末習安理義之大方屬  
績紹之云初顧褒嘉之可後賜頒瑞節用壯元戎陪益爰田衍加真  
食以昭馭貴以示敦宗於戲繁骨肉之恩申以屏周之義茂枝葉之  
庇蓋隆輔漢之藩往茲惟休無廢朕命可特授昭慶軍節度使

皇叔仲賜建節制 同上

門下睦族敬宗所以厚化本建侯立屏所以扞王家矧惟踐位之初  
厥有渙恩之舊誕揚明命孚告庶工皇叔某軍節度觀察留後仲  
賜識度曠夷材資敏茂承賢王之後早聞善俗之聲居留邸之榮訖  
無負責之累肆予績紹宜有褒加用旌拜於將壇式光華於帥閫陪敦  
真食增衍實封以示先親以昭馭貴於戲神器之重方共濟於多艱

磐石之隆尚更資於夾輔永肩慶譽茂對寵光可特授保康軍節度  
使

皇叔祖御建節制 同上

門下朕嗣有令緒獲承至尊肆大資於多方用敦叙於九族眷言諸  
父時乃宗英寵錫命書誕告多士皇叔某軍節度觀察留後仲御體  
和履順迪德秉彝有猷有守而知法度之循不溢不危而長富貴之  
守早居留務涉歷歲時董正宗司協和公族屬茲績緒申錫異恩登  
之大將之壇授以元戎之節以光帝胄以揚王休於戲微我弗顧無  
辭駢角弓之譏懷德惟寧協振振麟趾之應尚惟勵翼服我寵嘉可  
特授保寧軍節度使

皇伯仲損制 元符三年正月壬辰同上

門下朕恭膺眷命嗣守宗祧用奉若於先王以大資於天下眷言近



屬時謂宗英祇率舊章誕敷明命皇伯感德軍節度觀察留後仲損  
氣和而愿體順而恭早居留務之班彌歷歲陰之久屬予績紹宜有  
褒嘉陟以齋壇肆嚴外間之望併之金鉞增固維城之安申錫爰田  
仍加真食於戲益戒者處罷之道慎始者乃能有終其欽哉以永  
多譽可特授保大軍節度使

元符三年三月癸巳同上

門下朕嗣訓先后君臨萬邦永綏繼序之艱克篤在宗之愛誕揚顯  
命敷告廣廷皇伯寧遠軍節度觀察留後世雄體中而蹈和含章而  
履潔允為尊屬之秀厥有老成之風朕惟神考之謨褒藝祖之後嘗  
下明詔申飭有司以肇造區夏之功其特議封爵之制求子孫之近  
者裂壤地而王之是用推以異恩選於留務建牙植纛登真將壇胙  
土苴茅啓封王社申加采食并衍真祖於戲尊我太宗行以報創業

垂統之德服于高位尚其思奉先追孝之仁往迪令猷以永終譽可  
特授崇信軍節度使特封安定郡王

皇兄孝騫除昭化軍節度使封廣陵郡王制

建中靖國元年六月甲寅

門下朕嗣膺駿命祇奉先猷付以中軍思得詩書之帥倚其外禦孰  
如兄弟之賢我有懿親國之近屬涓辰授鉞發號告廷皇兄寧武軍  
節度觀察留後孝騫厚陵愛孫燕國家嗣清素有同於寒土靜淵不  
邇於宵人寵辱弗驚進退以禮久居留務未慰僉言是用建昭化之  
將旄進廣陵之王爵正其分閫但資帷幄之謀優以造朝安處京師  
之印增封井邑衍食戶租異數便蕃隆名烜赫於戲毋康好逸勿用  
非彝我祖宗創業之艱難今子孫圖休於康靖兢兢庶事每思猷蔓  
之榮勉勉一心益重棟華之愛尚對休命往其欽哉可

皇兄孝參除奉國軍節度使封信都郡王制

同上

門下周封五等姬姓之國為多漢建諸侯劉氏之封最盛矧魚將鉞之重宜得宗親之賢稽考舊章咨謀近弼乃揚明命以告大廷皇兄保信軍節度觀察留後孝參博古知今清心明理妙出賢王之統蔚聞善繼之風卓爾不羣雅類河間之質簡而無傲力踐后夔之言宜有褒遷以旌信厚奉國重地超拜元戎之權信都名藩寵進真王之爵處惟懼而折衝千里留邸而地坐鎮連城仍衍食封併為異數於戲好善忘勢故能貴而無驕居寵思危然後滿而不溢弗畏入畏雖休勿休惟永爾圖無廢朕命可

皇兄孝參加恩制

建中靖國郊祀

門下朕受命舉宗尊祖而親考積薪實體升煙以報陽上帝居然以歌四海來以其職相予肆祀至止而和其容敬爾在公造成而遣於廟既大賚於寰寓乃均惠於宗藩爰即治朝誕敷渙號具官某處身

慎靜秉志塞淵允升大猷克勤小物同其福祿方無間於君臣親以朕膳宜莫如于兄弟是用進升勳秩增衍戶封於戲下國駿厯光對榮名之寵庶邦丕享益思明德之修是究是圖無廢朕命可特授依前持節明州刺史信都郡王充奉國軍節度使明州觀察處置等使加上柱國食邑五百戶食實封二百戶

皇叔仲忽開府儀同三司加恩制

門下朕祇荷詒謀欽承丕緒廣唐堯之親睦外協萬邦稽虞舜之叙悖內崇九族眷予尊屬時乃賢王其告大廷肆頒顯命皇叔定國軍節度同州管内觀察處置等使持節同州諸軍事同州刺史同知大宗正事管内宗子學事上柱國普安郡王食邑八千戶食實封一千九百戶仲忽性資純厚操履清修位彌高而靡富貴之矜寵益至而篤詩書之習允矣神明之胄卓然後久之姿望雅著於戚藩名久隆

於邦翰好學博古進無干請之私行法涖官退有靖共之實典司屬籍寔歷歲時既臻肅穆之風益見表儀之術式疇褒渥茲謂至公是用入聯上宰之班增重元戎之節申陪多井加衍真祖豈徒彰濮邸流澤之光蓋欲繼文考敦宗之盛於戲任兼將相所以固磐石之基地處親賢所以壯維城之勢尚肩德義茂對休嘉可特授開府儀同三司依前持節同州諸軍事同州刺史普安靜王同知大宗正事管勾宗子學事充定國軍節度同州管內觀察處置等使加食邑七百戶食實封二百戶勲如故

仲忽進同判大宗正事提舉宗子學事制

門下爵祿所以厲世時用展親名器不以假人蓋將稱事眷言懿屬久列崇資宜隆質守之稱以正邦彝之舊誕揚渙號孚告明廷皇叔定國軍節度使開府儀同三司知大宗正事管勾宗子學事普安郡

王食邑八千七百戶食實封二千二百戶仲忽德度粹溫亦猷敏裕誠身有道閱天下義理之多式禮莫愆迪哲人中和之尚自總司宗之政尤彰表衆之勤績允賴於訓齊化助成於信厚雖視儀揆路已兼台鉞之華而正號國聯未協陸廉之勢爰陞茂典併席前封以昭敦叙之懷以示褒嘉之渥於戲位不同而異數恩則有加寵既至而益恭貴斯長守尚終譽處往對寵光可特授依前定國軍節度使開府儀同三司同判大宗正事提舉宗子學事普安郡王食邑實封如故

仲輓鎮西節度加恩制

門下朕紹先猷而興衆學稽古訓以制新書善俗明倫充備一王之制烝髦論秀庶追三代之風眷時宗屬之良具著行能之懿宜疏廷號周勸藩英皇叔保平軍節度觀察留後天水郡開國公食邑三千五百戶食實封二百戶仲輓率履粹溫秉資信厚服儒雅而無富貴

之累樂名教而有法度之循美衆積於閨門譽久稱於族黨比攬司  
宗之奏實符著今之公言念操脩碩深歎尚矧是賢能之選曾靡遐  
遺豈於全備之材敢忘近始是用解陝郊之後務授麟口之成師建  
節擁旄加峻元戎之命苴茅胙社益光賜履之封仍衍爰田併敦真  
食於戲推為善之賞斯首茂於殊恩肩好德之誠尚永綏於吉祿往  
褒寵渥益介壽域可特授鎮西軍節度使加食邑七百戶食實封二  
百戶封如故

皇叔祖宗粹加恩制

政和六年宗祀

門下朕欽承駿命永賴燕謀廼稽六籍之傳建茲陽館欲罄一純之  
意饗以秋阜明德馨聞高靈潛格眷乃本宗之盛預陪祀禮之行用  
輯朝倫肆頒渙冊具官某處躬端靖飭行純和侃然最樂之誠卓爾  
不羣之度屬尊而近位稱以隆并鉞參旗克壯三軍之帥元衮赤烏

大開四履之封閱義理之寔多守謙恭而不迫屬上儀之獲考推慶  
賚以惟均宜錫徽章以孚景貺敦加奉邑申衍真祖於戲多福以來  
首均敷於同姓四方其訓尚弗替於前修徃服朕言益綏爾祉可

皇叔仲忽加恩制

同上

門下朕虔饗帝之誠極奉先之禮追盛儀於三代取定制於六經興  
八牕五室之堂自我作古備四海九州之薦對越在天惟熙事之時  
成有賢王之予翼其頌贊冊以告治朝具官某識遠而行純氣壯而  
志固雍容道義知為善最樂之方涵泳詩書有大雅不羣之度兼榮  
將相任糾宗枝一心永肩九族既睦茲秩明禋之典大施廣寓之恩  
顧歸朕之有常豈均登之可後乃疇多邑并衍真祖於戲昭先人之  
功予不忘於丕訓教諸侯之孝爾尚率於周親徃迪令猷益綏多福  
可

皇朝本朝人集卷之八

皇叔仲執加恩制 同上

門下朕參考冬官肇興陽館卜惟辛吉聿來四表之歡薦以德馨崇  
謹二精之奉美光交燭嘉既荐臻眷我本宗相茲誌祀宜誕敷於恩  
典用申告於朝倫具官某率履靖莊稟姿和裕躬文雅而無富貴之  
累樂名理而惟法度之循寶牒騰芳益壯維城之勢齋壇受任式隆  
專聞之威屬盛禮之休成褒慶條而具舉拓封多邑衍食真租於戲  
時屬展親詎敢忘於敦睦祭則受福其茂對於榮懷往迪訓言益昭  
令譽可

皇叔仲理加恩制 同上

門下自仁率親欲教諸侯之孝以職助祭必來方國之歡朕奉若先  
猷肇稱元祀允賴肅雖之相迄成希闕之儀嘉我宗英誕揚渙號具  
官某持心淑慎制行端良居存忠義之規克顯神明之胄帥典常而

勿替踐猷訓以彌恭外專將聞之威容內藹宗支之慶譽故侍祠之  
有恪知秉德之弗違肆衍本封併申茂渥於戲我將我享既蒙貺施  
之臨惟德惟康共保安榮之吉往祇眷資益介壽祺可

皇兄孝參加恩制 同上

門下朕考六藝之文建四阿之宇涓展揆日適從李秋之辛盡志專  
精恭行太室之饗靈心允荅景既荐臻眷熙事之克成宜湛恩之並  
受肆揚渙號以寵親賢具官某稟質粹溫持躬淑慎勤罔有迪常之  
吉靖共多好禮之風錫以山川光紹先王之履被之袞繡進參上宰  
之班望重价藩勢隆磐石茲舉嚴禋之始有嘉顯相之勤載衍爰田  
併加真食以侈神釐之茂以昭國典之華於戲明德惟馨既獲自天  
之祐善人是富益思事上之忠往服訓言永綏壽祉可

皇兄孝嵩加恩制 同上

門下朕寅奉丕圖永懷先烈崇崇陽館有嚴體國之經翼翼明禮叶  
用配天之典乃瞻近親之愛預輸顯相之勤式需綸章具孚朝聽具  
官某材猷膚敏識度淵深居每閑於藝文動必循於禮法流芳寶籍  
稔德善之有稱席罷齋壇加威儀之無爽屬此靈休之格時維渥澤  
之均乃侈幹封併增邑奉以示優隆之眷仍昭敦睦之光於戲迄用  
有成詎敢專於邦慶既多受祉庶克迪於宗彊益慎操脩以承猷訓  
可

皇姪有古加恩制

同上

門下朕講配帝之上儀極寧親之精意克達聖人之饗肇熙王者之  
堂神罔時恟既丕登於景命福不專饗用敦錫於庶民訓予制閫之  
臣宜有告廷之號具官某材謀英決氣識靖深蘊韜略以自將烜威  
聲而夙著頃倚帥旄之貴出臨方面之雄厭伏未形隱若干戈之衛

殲夷弗諱迄無疆場之虞屬懋舉於宗祈益咸繫於加德肆均渥澤  
併衍真封於戲不顯不承茲廣受釐之慶有嚴有翼尚資共武之勤  
往服訓言仰膺光寵可

宋朝大詔令集卷第四十八

宋陳大誥令集卷第四十八

皇朝大誥令集卷第四十八  
皇朝大誥令集卷第四十八  
皇朝大誥令集卷第四十八  
皇朝大誥令集卷第四十八  
皇朝大誥令集卷第四十八  
皇朝大誥令集卷第四十八  
皇朝大誥令集卷第四十八  
皇朝大誥令集卷第四十八  
皇朝大誥令集卷第四十八  
皇朝大誥令集卷第四十八

宋朝大誥令集卷第四十九

宗室九

進拜九

皇姪有恭建節制

門下為政友於兄弟靡忘同姓之思立愛始於家邦茲厚展親之典  
眷言猶子近造昕朝式孚渙冊之辭丕告群工之聽具官某稟資溫  
茂蘊識粹融憑祖武之暉自秀神明之胄探經術之奧具多詩禮之  
聞振振夙謹於威儀翼翼甫趨於表著有華人物克肖父風雖欣棣  
萼本支之蕃良深楚卹手足之念昔相好矣今用惻然及東平之處  
家曾未帶列侯之印見隆業之諸子其可無千戶之封是用授將鉞  
於慶陽啓封藩於邕管申加邑采并實圭腴匪顯近屬之私蓋侈前  
寧之澤於戲修德而固宗子永底維城之安繼世以立諸侯載顯象

賢之美欽予時命告於文人可

皇叔祖克暢依前保康軍節度使加恩制

宣和六年冬祀

門下朕誕膺帝顧丕乂邦圖廟饗蠲登克致寧神之孝郊柴欽燎聿  
申報本之誠明德馨聞繁禧來下迺瞻懿藩之重宜先慶澤之施肆  
舉綸章具孚朝聽具官某持身淑慎制行端良爵齒兼尊夙諳宗支  
之舉親賢並茂久專將鉞之威屬嘉禮之涓成渙厯恩而申錫乃疇  
多邑并行真祖以彰敦睦之風以示優隆之寵於戲相予肆祀既嚴  
昭事之儀資我思成式介攸同之福尚祇猷訓永迪壽祺可

皇叔祖宗粹依前昭化軍節度使開府儀同三司信安郡王

加恩制

同上

門下朕祇率舊章恭修大報大宮裸鬯具宣列聖之光吉土升煙昭  
格萬靈之既迄成熙事敷錫曠恩若時歸胙之初敢後維城之老爰

頒渙渥用諗庶工具官某屬近且尊德耆而後鳴謙自牧雅推好禮  
之風率履無違允有迪常之吉壽社帝王藩之寵珥貂參揆路之崇  
茲嚴重燎之祈肆廣宴娛之慶迺申加於井賦仍增實於圭腴以遵  
廣餼之經以茂展親之義於戲稱秩元祀既茂對於神休錫予善人  
宜亟蒙於祭澤其欽時命以介壽祺可

皇叔仲御依前檢校少傅泰寧軍節度開府儀同三司嗣濮

王加恩制

同上

門下朕荷叢霄之祐襲仍歲之豐燕及皇天取息迎長之祀衍我烈  
祖式嚴陟配之儀肆申賁於鴻恩咸率由於彝憲矧在濮園之裔宜  
均宣室之釐爰輯廷紳亶字制綽具官某性資純茂德度粹夷動惟  
典則之循居有圖書之好紹先王之履謹遵豆大房之承參上宰之  
班兼黼黻珺戈之賜謙惟自牧富且弗驕方躬薦璧之祠載屬珥貂



之助迨颺煙之竣事推渙澤以旌勞申衍多田陪敦真食於戲降福  
簡簡聿觀昭假之運庸勳親親宜共榮懷之尚往祇猷訓益迪壽康  
可

皇叔仲忽依前檢校少師鎮安軍節度開府儀同三司判使  
宗正事兼神霄玉清萬壽宮使提舉宗子學事普安郡王加  
恩制同上

門下朕祇膺鴻緒誕緝彌文載乘三歲之祥躬秩一純之饗天惟德  
輔歆至治之馨香人以職來睹太平之禮樂眷惟近屬董我宗支宜  
因歸胙之初首渙揚廷之寵具官某高明而端靖博達而閎深學窮  
六藝之英華識綜三王之制作處亞師之位更崇茅社之封通上宰  
之班兼峻琳霄之使相此嚴禋之舉率惟同姓之親有來麟趾之衆  
多臨以韶冠而肅駉用稽勳策併衍祖田以昭物采之隆以侈邦祺

之茂於戲受百神之貺既歌成命之詩懋九族之和采昭廣德之化  
益綏燕譽永對麗光可

皇叔仲爰依前檢校少保奉寧軍節度使開府儀同三司江  
夏郡王加恩制同上

門下朕涓辰日至脩報國陽風馬來臨具格精純之意星雞飛動肆  
敷曠蕩之恩惟縟典之時成賴賢王之予翼式昭祭澤以侈神休誕  
敷綸綍之言孚告紳縵之聽具官某處躬端靖飭行醇和帥前載之  
規既懋有常之德處宗司之位尤高易退之風有淑元戎之旂有華  
三事之哀耆明就列宗族稱仁茲竣事於嚴禋迺均釐於近屬矧我  
連尊之懿用䟽慶賚之隆增昇邑租申加良幹於戲四方承祭敏如  
影響之隨三壽作朋燕及本支之固益綏令譽仰對榮輝可  
皇叔仲康依前鎮潼軍節度使淮安郡王加恩制同上

門下朕紹膺駁命誕撫多方荷天之休允洽承平之化哀時之對荐  
申報本之誠既薦廟邊遂升郊燎茲大施於察澤當首及於宗盟爰  
輯朝紳式頒詔綽具官某性資樂易德度溫謙內堅信道之誠外廣  
崇仁之譽四騏馭節擁蒲坂之帥旄五玉分封開淮安之王社矧預  
陪於吉禮用申錫於渙恩特行多田更分真食於戲克禋克祀誕嚴  
肆類之文是饗是宜爰厚均釐之典徃祇恩遇以對殊恩可

皇叔仲營依前崇信軍節度使安化郡王加恩制 同上

門下朕祇紹丕圖適脩元祀奕奕清廟聿申裸獻之恭肅肅紫壇肆  
達燎薰之報神娛嚮座祝嘏告祥眷予近屬之良宜有蕃禧之及誕  
孚渙號猷告庶工具官某性稟純和行推信厚內列維城之寄外分  
閫制之嚴爰膺胙土之封夙啓王藩之寵適此精煙之舉允多景既  
之臻爰輯慶條載疏褒律疇叙爰田之奉行其圭賦之腴於戲時庸

履親詎敢忘於惇叙祭則受福其茂對於榮懷徃迪訓言益昭令譽  
可

皇兄孝參依前檢校少保武寧軍節度使開府儀同三司豫

章郡王加恩制 同上

門下朕撫熙洽之運懷寅畏之心乃因至景之辰爰舉豐年之報王  
入太室馨聞圭鬯之和帝臨中壇光騰璧王之潔信星報饗解澤流  
釐茲申惠以隆親肆涓神而孚號具官某慶開祖武韻秀宗支揚秩  
秩之德聲夙謹義方之念聽霏霏之英辨雅多儒術之聞疆圻疏王  
社之榮符采映台躔之峻爰勵駿奔之助克祇祀之承既獲考於  
上儀迺亟疏於褒律載陪多賦并實本封以荅賢勞以均神貺於戲  
並受其福式隆同姓之恩永孚于休尚迪有邦之衛徃祇明命益體  
眷懷可

皇兄孝篤依前寧國軍節度使開府儀同三司晉康郡王加  
恩制 同上

門下朕遵列聖之緒習三歲之祥對越在天嚴禋主而致孝昭事上  
帝肅齋輅以承禋事來四表之歡並授百神之職惟予近屬實相威  
儀宜渙褒章以孚羣聽具官某氣資莊厚德履粹溫樂名理而惟法  
度之循力威儀而無富貴之累畫九畿之籍既疏爵於王封炳六符  
之躔兼視儀於揆路屬陽壇之畢燎詔勳府以休均載疇多井之封  
并錫真祖之益以昭隆眷用協彞章於戲萬福來求愛莫先於同姓  
四方其訓義勿替於前修往服朕言益綏爾祉可

皇兄孝詒依前保寧軍節度使加恩制 同上

門下朕肇熙吉土肆燎欽柴罄寰宇以子來崇昊穹而父事百靈並既  
嚴象物之宴娛五福時敷流渙恩之德濊眷言近屬相我威儀誕敷

贊冊之辭用諗庶官之聽皇兄保寧軍節度使孝詒器局深裕行矩  
醇和寶燄聯芳口壯維城之勢齋壇受任夙嚴頽聞之容屬誌祀之  
涓成口徽章而具舉載疇邑采申衍戶租於昭邦國之光以叶神人  
之慶於戲展采錯事既申報本之誠塵墩降祥宜厚近親之典其祇  
休命往迪令猷可加食邑七百戶食實封二百戶

皇弟孝穎依前德慶軍節度使加恩制 同上

門下朕受命祖廟謁歎天神禮罄一純明德昭而上格樂成六奏高  
靈降而下娛美光燭壇休氣合燎迺眷近親之懿宜均純墩之綏我  
有恩緡敬於朝位具官某姿儀丰秀性識純明蹈履中和挺挺前人  
之似雍容又藝彬彬儒者之風蚤圖戎翰之良既秉齋旒之峻茲甫  
臨於元口特申錫於豐章疇以多田衍其真食於戲肆類上帝方蕃  
祉福之承大賚善人其共榮懷之尚往欽余訓益懋敏終可

皇叔仲爰嗣濮王制

門下威德垂百世之祀斯繼世以象賢同姓厚二等之封式因心而  
 教愛朕悖叙九族祇奉先王祭謹十倫俾潔烝嘗之饋馭嚴八柄進  
 疏貴富之榮揚於大廷錫是定命皇叔檢校少師奉寧軍節度使開  
 府儀同三司判大宗正事江夏郡王食邑一萬三千戶食實封三千  
 九百戶仲爰持心樂易毓德粹溫學洪詩禮之聞慶廣神明之胄兼  
 隆爵齒處天下之達尊久啟藩垣壯周王之封國再總司於近屬茲  
 表迪以淳風欽惟安懿之休濬發英皇之祚子口次襲深形寧考之  
 聖言盥薦時修具載諸賢之故實昭穆有序後先不踰繇系譜以迭  
 居衍流澤而彌遠克昌厥休於昭積累之傳永建乃家丕顯寵光之  
 渥升孤傳之典禮祚濮國之山川王土苴茅賁身章於盤綬雙旌導  
 節更將律於戎容仍參相紱之華增重宗盟之勢陪其采賦示乃眷

私於戲後嗣以廣親親既薦統承之舉有國以明善善宜思濟美之  
 規益邁令猷勉祇予訓可特授檢校少師定武軍節度使依前開府  
 儀同三司判大宗正事進封嗣濮王加食邑七百戶食實封三百戶

宋朝大詔令集卷第四十九

皇叔仲劉嗣攝政

門下或德主百世之化斯維世以承贊同姓當上事之類或同心而  
或受命傳教九族承先王教維十餘律宗宗堂之類或服人柄進  
或重賞之類或勳於先王是時是夫公重臣檢校大帥奉軍節度使開  
中陳大言全集卷四十四  
七百戶仲劉嗣攝政  
或受命傳教九族承先王教維十餘律宗宗堂之類或服人柄進  
或重賞之類或勳於先王是時是夫公重臣檢校大帥奉軍節度使開  
或受命傳教九族承先王教維十餘律宗宗堂之類或服人柄進  
或重賞之類或勳於先王是時是夫公重臣檢校大帥奉軍節度使開

謝同三信供大言五軍並後隔野王以遠也八百六  
賦蓋盡分猶或於中脩下耕耕餘文以制文海軍將軍  
外外強身歸以國歸歸國強者之舉首個以即善善宜思齊美之



